

四庫全書

史部

欽定四庫全書

史部

御批歷代通鑑輯覽卷三十三

詳校官侍講_臣王燕緒

編修_臣裴謙覆勘

總校官進士_臣程嘉謨

校對官中書_臣閔思毅

膳錄監生_臣周升士

欽定四庫全書

御批歷代通鑑輯覽卷三十三

孝宗穆皇帝

戊申永和四年秋八月加桓溫征西大將軍

朝吏論平蜀之功欲以豫章郡封溫左丞荀粲

字令遠

之曰溫若復平河洛將何以賞之乃加溫征西大將

軍開府儀同三司封臨賀郡

注見前

公溫既滅蜀威名

殷浩徒以盛名未見實際即引以抗溫釀成疑貳是激之變也義之協和之說亦不過調停一時之見非見機明決之論蓋當時人心國政已不可救藥徒以清談欲濟世弊所為抱薪救火而已

大振朝廷憚之會稽王昱以殷浩夙有盛名朝野推服

乃引為心膂與參綜朝權欲以抗溫由是與溫寢相

疑貳浩以王羲之

字逸少導從子

為護軍將軍羲之以內外

和協然後國家可安勸浩不宜與溫構隙浩不從

九月燕王皝卒世子儁

字宣嗣英

皝有疾召儁屬之曰今中原未平方資賢傑以經世

務恪智勇兼濟才堪任重汝其委之陽士秋

陽驚字驚北平

人志行高潔忠幹貞固可託大事汝善待之遂卒

趙立子世為太子

初趙太子遼驍勇趙王虎愛之謂羣臣曰司馬氏父

子兄弟自相殘滅故朕得至此如朕有殺阿鍼

遼小字

理否未幾遼謀逆虎誅之

虎荒耽酒色喜怒無常便遼省可尚書事誚責咎捶

月至再三遼私謂中庶子李顏等曰官家難稱吾欲行冒頓之事卿能從我乎顏等伏不敢對遼因稱疾不視事虎使女尚書往覘遼抽劍擊之虎大怒收顏等推問顏具言其狀遂殺顏等并誅遼

立子

宣為太子既而宣弟韜有寵于虎宣使人殺之事覺

虎復殺宣

虎聞韜死哀驚氣絕久之方蘇已知為宣所殺乃囚宣殺之鄴北窮極慘酷宣少子

方數歲虎素愛欲救之大臣不聽取殺之至是議立
兄挽虎衣大呼至于絕帶虎因此發病

太子劉昭儀方有寵

昭儀故趙主劉曜女有殊色虎嬖之

乃立其子世

以昭儀為后

虎謂羣臣曰吾欲以純灰三斛自將其腸何為專生惡子年踰二十輒欲殺父

今世方十歲比其二十吾已老矣

己酉五年

趙太寧元年石鑒青龍元年燕慕容儁元年

春正月趙主虎稱皇帝

夏四月趙主虎卒太子世立其兄遵弒之及其太后劉

氏而自立

趙主虎病甚以彭城王遵

虎第三子為大將軍鎮關右燕

王斌

子勣之

為丞相張豺為鎮衛大將軍並受遺詔輔

政劉后恐斌不利于太子與張豺矯詔免斌歸第尋

殺之遵自幽州至鄴敕朝堂受拜遣之遵涕泣而去

虎卒世即位尊劉后為皇太后劉氏臨朝稱制遵至

河內聞喪會姚弋仲蒲洪及石閔

虎養子本姓冉字永曾內黃人等

討梁犢還

梁犢攻東宮高力督石宣既誅犢及高力萬餘人謫戍梁州虎稱帝大赦高力不在

赦例犢遂反戍卒皆隨之比至長安衆十餘萬遂出潼關趣洛陽所向奔潰虎以弋仲為征西大將軍與

洪閔等討斬之

東宮高力石宣簡多力之士以衛東宮號曰高力置督將領之遇遵于李城

在懷慶府溫縣水經注
奉溝水逕李城北即此

共說遵曰殿下長且賢先帝

亦有意以為嗣末年悔惑為張豺所誤

張豺勸
虎立世

今若

聲豺之罪鼓行而討之其誰不開門倒戈以迎殿下

者遵然之遂舉兵趣鄴以石閔為前鋒耆雋羯士皆

出迎之豺惶怖亦出迎遵命執之擐甲耀兵入并前

殿擗踊盡哀斬豺于市夷其族假劉氏令以遵嗣位

封世為譙王廢劉氏為太妃尋皆殺之

世在位三
十三日

以

石閔為都督中外諸軍事

時沛王冲鎮薊聞遵殺世
起兵討遵遵遣石閔擊之

獲冲
賜死

蒲洪遣使來降

石閔言於趙主遵曰蒲洪人傑也今以鎮關中

洪以討梁

曠功拜雍州刺史都督雍秦諸州軍事

恐秦雍之地非復國家之有宜

改圖之遵遂罷洪都督洪怒歸枋頭

洪先為流民督帥諸兵居枋頭

枋頭城名在今河南衛輝府濬縣水經注魏武于淇水口下大枋木以成堰遏其水入白溝以通漕運

時人號其處曰枋頭遣使來降

秋七月征討都督褚裒率師伐趙不克而還

褚裒拜疏北伐
事雖無成然尚
有丈夫氣蔡謨
謂當度德量力
豈以中原為不
應復乎事前無
所建白退有後
言而大氏方以
憂國許之無識
甚矣

桓溫聞趙胤遣諸將經營北方趙揚州刺史王浹舉
壽春降西中郎將陳遼進據之征北大將軍褚裒上
表請伐趙朝議以裒事任貴重不宜深入宜先遣偏
師裒執奏乃加裒征討大都督帥衆三萬徑赴彭城
北方士民降者日以千計朝野皆以為中原可復獨
蔡謨憂之人問其故謨曰夫能順天乘時濟羣生于
艱難者非上聖興英雄不能為也其餘則
莫若度德量力觀今日之事殆非時賢所及必將經
營分表疲民以逞既而才畧踈短不能副心財殫力
竭智勇俱困怨更貽朝廷之憂矣魯郡民五百餘家起兵來附裒遣

部將以銳卒迎之與趙將李農遇敗歿陳達毀壽春

奔還哀退屯廣陵未幾還鎮京口

時河北大亂遺民二十餘萬渡河欲

來歸附會哀已還威勢不振皆不能自拔死亡畧盡哀慙憤發病而卒詔以荀羨監徐兗軍事是時梁州刺史司馬勲帥衆出駱谷破趙戍三輔豪傑多應之勲兵少不敢進遂向南陽拔宛城殺趙太守而還

司馬勲濟南王遂之曾孫

九月張重華自稱涼王

先是朝廷授重華涼州刺史西平公至是遂自稱王

冬十一月趙石鑒

虎庶子

弑其主遵而自立

初趙主遵之發李城也謂石閔曰努力事成以爾為

太子既而立太子衍

故燕王
弑之子

閔不平閔素驍勇屢立

戰功復總內外兵權中書令孟準勸遵誅之遵召鑒

密議鑒出告閔閔遂弑遵及衍推鑒即位鑒以閔為

大將軍

遵在位一百
八十三日

秦雍流民立蒲洪為王

秦雍流民相帥西歸

石虎先破劉裕徙氏羌十五萬
落于司冀州後破石生徙秦雍

民及氏羌十餘萬戶于路由枋頭共推蒲洪為主眾
關東今因趙亂故西歸

至十餘萬鑒懼其逼欲以計遣之乃以洪為雍州牧
洪會官屬議應受與否主簿程朴請與趙連和分境
而治洪怒曰吾不堪為天子耶引朴斬之

庚戌六年

趙主石祗永寧元年魏主冉閔永興元年舊大國一趙小國三涼燕代新大國一魏凡五僭國

春閏正月趙石閔弑其主鑒而自立改國號魏

先是趙主鑒陰使樂平王苞

虎之子

等攻石閔不克

鑒懼

夜殺苞將軍孫伏都劉鉢等復攻閔為閔所殺

閔乃以兵守鑒于御龍觀下

令城中曰同心者留不同者各任所之于是趙人百

里內悉入城胡羯去者填門閔知胡之不為已用遂帥趙人以誅胡羯無貴賤男女少長皆斬之死者二

十餘萬

其屯戍四方者皆命趙人為將帥者誅之或高鼻多鬚死者半

至是汝陰

王琨

亦虎之子

起兵討閔諸將張沈張賀度等亦皆擁衆

數萬不附于閔閔擊琨敗之遂擊賀度鑒密使宦者

召沈乘虛襲鄴宦者以告閔閔馳還廢鑒弑之

并殺虎之

孫

二十八人盡滅石氏鑒在位一百三日

謂衆曰吾屬故晉人也請與

諸君分割諸州郡奉迎天子還都洛陽何如尚書胡

睦曰陛下聖德應天宜登大位晉氏衰微豈能混一

四海乎閔曰尚書可謂識機知命矣乃即皇帝位國

號大魏

閔未就鑒時欲滅去石氏之迹託以識文有繼趙李改國號曰衛易鑒姓為李氏及已僭

位更號其國曰魏復姓冉氏

以殷浩督揚豫等州軍事

朝廷聞中原大亂復謀進取故以浩為中軍將軍督

揚豫徐兗青州蒲洪為征北大將軍督河北諸軍事

是夏廬江太守袁真攻魏合肥克之明年鮮卑殺
龕以青州來降詔以為征北將軍龕蘭之子也

蒲洪自稱三秦王改姓苻

時姚弋仲據蒲

書陟反

頭

在今直隸冀州藁強縣東北元和志藁強縣外城即姚弋

仲故

蒲洪據枋頭各有西據關右之志弋仲遣其子

襄

字景國

擊洪洪迎擊破之自稱大都督大將軍大單

于三秦王以識文有草付應王乃改姓苻氏以雷弱

兒

南安人

梁楞

安定人

魚遵

馮翊人

段陵

京兆人

為將相

二月燕王偽擊趙拔薊城徙都之

先是慕容霸

字道業號第五子後更名垂

上書于燕王偽請伐趙

偽猶豫未決將軍封奕慕輿根復言之偽乃以慕容恪

慕容評陽騫為三輔將軍

恪為輔國評為輔弼騫為輔義謂之三輔

慕容

霸為前鋒都督選兵二十萬講武戒嚴為進取之計

至是偽與霸及慕輿于三道並出趙守將皆走偽遂

拔薊入都之中州士女降者相繼

燕兵至范陽太守李產欲為趙拒燕

衆莫為用乃降偽擢用之于是悉置幽州郡縣守宰
遂循冀州取章武河間至渤海趙故殿中督賈堅擁

衆不降慕容評與戰擒之以為樂陵太守 范陽章
武河間皆晉國趙為郡范陽治涿河間治樂城注俱

見前章武治東平舒故城在今順天府大城縣渤海
晉郡没于趙治南皮注亦見前李產字子喬范陽人

賈堅
渤海人

故趙將麻秋殺苻洪洪子健

字建業洪第三子

斬秋遣使來請

命

麻秋為苻洪所獲洪以為軍師將軍秋說洪先取關
中然後東爭天下洪深然之既而秋因宴鴆洪欲并
其衆洪世子健收秋斬之洪將死謂健曰吾所以未
入關者以為中州可定今不幸為孺子所困中州非
汝兄弟所能辦我死汝急入關言終而卒健代統其

衆乃去王號稱晉官爵告喪請命

趙石祗

虎之子

稱帝于襄國

祗先以新興王鎮襄國冉閔既篡立趙公卿出奔者

多歸之于是祗遂稱帝

改元永寧

六夷

胡三省注胡羯氏及巴蠻是

為六夷

據州郡者皆稱兵以應祗以姚弋仲為右丞相

待以殊禮弋仲子襄雄勇多才畧祗以為驃騎將軍

又以苻健為鎮南大將軍

夏魏主閔徵故散騎常侍辛謚

字叔重隴西狄道人

為太常謚不

食而卒

謚有高名歷劉石之亂徵辟皆不就及是閔徵為太常謚移閔書以為物極則反致至則危君王宜歸身

晉朝必有由夷

許由
伯夷

之廉享松喬

赤松子
王子喬

之壽因不

食而卒

冬十一月苻健入長安遣使來獻捷

先是趙將王朗聞冉閔之亂自長安赴洛其司馬杜洪據長安自稱晉征北將軍關西夷夏皆應之至是

苻健謀據關中乃率兵入潼關

健欲取洪恐洪知之乃治宮室于枋頭課

民種麥示無西意已自稱晉征西大將軍悉衆而西以魚遵為前鋒治浮橋以濟孟津既濟焚橋自帥大

衆與其弟雄俱進苻雄字元才洪季子洪遣將迎戰健敗之遂長驅至

長安洪不能守奔司竹

園名元和志園在豳厘縣東有監丞掌之

十二月免蔡謨為庶人

謨除司徒三年不就職

謨謂所親曰我若為司徒將為後代所哂義不敢拜也

詔書屢下終不受于是帝臨軒遣黃門侍中徵之使

者十餘反稱疾不至

時帝方八歲自旦至申甚倦問左右曰所召人何至今不來臨

蔡謨三年不就
職徵召以疾辭

驕蹇不臣律以
無將之誅實無
可寬焉美輒用
危言沮止冀復
知有大義耶尹
起革責且傲上
不忠尚不失其
貶之正書法乃
云免謫為無罪
之辭則顛倒是
非甚矣

軒何時當竟太
后乃詔罷朝會稽王昱等以謨違命無人臣禮請

送廷尉謨懼素服自到廷尉待罪殷浩欲加以大辟

荀羨曰蔡公今日事危明日必有桓文之舉浩乃止

詔免謨為庶人

辛
七年秦主苻健皇始元年是歲趙亡舊大國一秦凡五僭國春正

月苻健自稱秦天王是為前秦

健長史賈元碩等請依劉備稱漢中王故事表健為

都督關中諸軍事大單于秦王健怒曰吾豈堪為秦

王耶且晉使未返我之官爵非汝曹所知也既而密使梁安諷元碩等上尊號遂即天王大單于位國號

大秦

健分遣使者問民疾苦使羅烏異凡趙之苛政不便于民者皆罷之

夏四月趙劉顯弑其主祗而自立

先是魏主閔攻襄國趙主祗遣使乞師于燕及姚弋

仲弋仲遣其子襄救之

弋仲諫襄曰冉閔棄仁背義屠滅石氏我當為復讐老不

能自行汝才十倍于閔若不果擒不必復來見也

燕王儁亦遣兵來會閔軍

大敗奔還鄴

姚襄歸弋仲怒其不擒閔杖之一百已而祗遣其將劉顯

攻鄴閔大破顯軍顯懼密使請降求弒祇以自效顯

還遂弒祇

祇在位一年而亡後趙自石勒建國至祇亡凡七主合二十三年

未幾顯

自稱帝明年魏克襄國殺顯還其民于鄴

趙改汝陰王徙秦建

康新之于是石氏遂絕

秋八月魏徐克荊豫洛

即晉司州

五州來降

姚弋仲遣使來降

詔以弋仲為車騎大將軍六夷大都督子襄為平北

將軍督并州

冬十二月桓溫移軍武昌尋復還鎮

初桓溫請經畧中原事久不報知朝廷伏殷浩以抗已甚忿之然素知浩之為人亦不之憚以國無他勳遂得相持彌年雖有君臣之跡羈縻而已八州士衆資調殆不為國家用屢求北伐不聽至是拜表輒行帥衆四五萬順流而下軍于武昌朝廷大懼浩欲去位以避溫吏部尚書王彪之字叔武彬之子言于會稽王昱曰若浩去職人情離駭必有任其責者非殿下而誰

乎又謂浩曰彼若抗表問罪卿為之首欲作匹夫豈

有全地邪且當靜以待之全相王

謂會稽王

手書為陳成

敗彼必旋師若不從則遣中詔又不從乃當以正義

相裁奈何無故忽忽先自猖獗乎撫軍司馬高崧

字茂

璞陵人乃為昱草書

曰冠難宜平時會宜接能弘斯會非足下而誰然異常之舉衆之所駭

遊縣嘯嘯想足下亦少間之苟或望風震授一時前散則望實並喪社稷之事去矣吾與足下雖職有內

外安社稷保國家其致一也天下安危繫之明總當先寧國而後圖其外區區誠懷豈可顧嫌而不盡哉

溫即上疏惶恐致謝回軍還鎮

壬子八年燕主慕容儁元璽元年是歲魏亡大秦國二煥秦小國二涼代凡四僭國春正月辛

卯朔日食

秦王健稱皇帝

健以單于統壹百蠻非天子所宜領以授太子萇

二月殷浩使督統謝尚荀羨進屯壽春張遇據許昌叛

降于秦

尚書左丞孔嚴字彭祖謂浩曰韓彭專征伐蕭曹守

管籥君宜思廣藺屈身之誼平勃交歡之謀今穆然

復請北征浩
抑而不許茲

以恢復為已
豈自信將畧
優于淵直以
過安撫僥倖
功可以傾其
勢而已忠于
國者固如是

無間然後可以保大定功浩不從上疏請北出許洛

使尚美進屯壽春張遇者故魏將以州來降七年八月遇以

許昌降尚等不能撫慰遇仍據許昌叛降于秦浩軍不

能進命美鎮下邳

三月姚弋仲卒子襄率衆來歸詔屯譙城此漢譙縣故城也今潁州

府亳州是考熙有三一在河南夏邑祖述所據一在江南滁州晉僑置曰南譙梁又曰北譙一即此

弋仲有子四十二人臨卒謂諸子曰石氏待吾厚本

欲為之盡力今已滅矣汝亟歸于晉當執臣節無為

不義也及卒襄與秦兵戰敗遂帥衆來歸單騎見謝

尚尚聞其名命去仗衛幅巾見之歡若平生

襄博學善談論

江東人士皆重之

夏四月燕慕容恪等擊魏大破之執其主閔以歸殺之

燕王儁遣慕容恪擊魏主閔時在常山

閔克劉顯因避食常

山諸燕兵及之閔戰大敗為燕兵所執

閔素有勇名所將兵精銳

燕人憚之慕容恪曰閔勇而無謀一夫敵耳不足破也乃分其君為三即揮鮮卑善射者五千人以鐵鎖

連其馬為方陳而前問乘千里馬名曰朱龍左操兩刃矛右執鈎戟以擊燕兵斬首三百餘級望見大幢

知其為中軍直衝之燕西軍從旁夾擊大破之
送于龍

城斬之遣慕容評攻鄴

閔將軍蔣幹及太子智開城拒守遣使求救于謝尚

建國三年而亡

六月謝尚得傳國璽獻之

初謝尚使建武將軍戴施據枋頭施聞蔣幹求救乃

帥壯士百餘人入鄴助守三臺給幹得傳國璽宣言

使督護何融迎糧陰令懷璽送于枋頭謝尚迎致建

康百僚畢賀

是秋慕容評克鄴留
頽之戴施奔倉垣

謝尚攻張遇于許昌秦人救之尚等敗績殷浩退屯壽

春秋九月浩復進屯泗口

泗水之口今徐州府境黃河所經本泗水故道

謝尚姚襄共攻張遇秦苻雄等救之尚等戰敗奔還

淮南殷浩自許昌還屯壽春

秦徒張遇及陳穎許洛之民五萬餘戶于關中

已而浩復謀再舉

中軍將軍王羲之遺浩書曰今以區區江左天下寒心固已久矣力

爭武功非所當作自頃處内外之任者未有深謀遠慮而疲竭根本各從所志竟無一功可論遂令天下

將有土崩之勢今冀若還保長江督將各復舊鎮自長江以外羈縻而已引咎責躬更為善治省其賦役

與民更始庶可以救倒懸之急也若猶以前事為未工復求之于分外乎 固雖廣自容何所此愚智所

不解也

遂進屯泗口

十月朔尚攻克許昌會朝廷徵尚為給事中尚還戍石頭

罷遣太學生徒

浩以軍興罷遣太學生徒學校由此遂廢

冬十一月燕王儁稱皇帝

燕羣僚共上尊號燕王儁許之始置百官即皇帝位

先是慕容評克鄴送冉閔后董氏及太子智于薊儁詐言董氏以傳國璽獻之賜董號奉璽君及是稱帝因改元元璽時晉使適至燕備謂曰汝還白汝天子我承人乏為中國所推已為帝矣

癸丑九年秋七月殷浩遣兵襲姚襄不克冬十月遂率諸

軍北伐襄邀敗之浩走譙城

姚襄屯厯陽以燕秦方彊未有北伐之志乃夾淮廣

興屯田訓厲將士浩惡其彊盛屢遣刺客刺之客皆

以情告襄浩潛遣將軍魏憬襲襄襄斬憬并其衆浩

愈惡之遷襄蟲臺

在河南歸德府商邱縣水經注睢陽城內有臺甚秀廣謂之蟲臺亦

曰升臺

表授梁國內史襄益疑懼初浩遣人誘秦梁安

雷弱兒使殺秦主健許以關右之任弱兒等偽許之

且請兵應接會張遇作亂

遇入秦為司空秦主健納其繼母遇恥之陰結關中

豪傑欲滅符氏
來降事覺被誅

浩聞之以為安等事成遂自壽春帥

衆北伐欲進據洛陽修復園陵以襄為前驅襄引兵

北行度浩將至偽遁而陰伏甲以邀之浩大敗走保

譙城

浩將北伐吏部尚書王彪之上會稽王昱驍以
為秦人容有詐偽未應輕進及浩敗昱謂彪之

曰君言無不中張陳無以過也姚襄收浩資仗濟淮
走盱眙遣使達康陳浩罪狀并自陳謝詔以謝尚督

江西淮南
軍鎮歷陽

十一月西平公張重華卒

諡敬

子曜靈

字元舒

嗣十二月

涼州廢其主曜靈立張祚

字太伯重
華庶兄

祚有勇力善事內外與重華嬖臣趙長等結異姓兄

弟及重華卒曜靈方十歲以世子嗣位長等乃廢之

而立祚祚尋自稱涼王

于是改元置百官郊祀天地尚書馬定切諫免官郎中丁

琪復諫殺之

甲寅十年

涼王張祚和平元年

春正月殷浩以罪免為庶人徙信安

本後漢新安縣晉改名今曰西安為浙江衢州府治

以王述為揚州刺史

浩師徒屢敗糧械都盡桓溫因朝野之怨上疏請廢

之朝廷不得已免浩為庶人徙信安自此內外大權

浩與溫崎嶇日久罷官失勢竟

醜願受其位置
辛亥空函取怒
由其平日外過
虛聲內貪榮利
是以一經挫折
低舉卑容可鄙
可笑足為偽士
之戒

一歸于溫矣

浩既發默雖悲怨不形辭色常書空作咄咄怪事字久之溫謂掾郝超曰浩有

德有言向使作令僕足以儀型百揆朝廷用違其才耳將以浩為尚書令以書告之浩欣然許焉將答書

慮有謬誤開閣者十數竟空函溫大怒由是遂絕卒于徒所

二月桓溫帥師伐秦夏四月大敗秦兵于藍田

注見前

軍灊上三輔皆降

溫統步騎四萬發江陵水軍自襄陽入均口

在襄陽府光化

縣西北水涇注均水南注于涇謂之均口

至南鄉

漢縣唐省故城在今南陽府淅川縣

步兵

自淅川

即故淅縣注見前今淅川乃西魏置

趣武關命司馬勲出子午

道以伐秦秦主健遣太子襄等帥衆五萬拒溫戰於

藍田秦兵大敗溫轉戰而前進至霸上

襄等退屯城南使與老弱

六千固守長安小城

三輔郡縣皆來降溫撫諭居民使安堵復

業民爭持牛酒迎勞男女夾路觀之耆老有垂泣者

曰不圖今日復覩官軍

北海王猛少好學倜儻有大志隱居華陰間溫入關被禍

詣之捫虱而談當世之務旁若無人溫異之問曰吾奉命除殘而三秦豪傑未有至者何也猛曰公不遠

千里深入敵境今長安咫尺而不渡灊水百姓未知公之心所以不至溫嘿然徐曰江東無卿比也乃署

猛軍結祭酒王猛

字景畧北海劇人

姚襄板降于燕

五月桓溫與秦兵戰不利六月師還

溫與秦丞相雄等戰于白鹿原

即渭上注見前

溫兵不利死

者萬餘人初溫指秦麥以為糧既而秦人悉芟麥清

野以待之溫軍乏食徙關中三千餘戶而歸

溫欲與王猛俱

猛未過符堅已能辭溫不就非當時處士盛虛聲者此也

遷猛遷山謠師師曰君與桓溫豈並世哉乃辭不就

秦東海王苻雄卒

雄位兼將相權侔人主而謙恭汎愛遵奉法度故秦主

健重之及是卒子堅

字永固

襲爵堅性至孝博學多能

交結英豪呂婆樓

畧陽人

彊汪梁平老

畧陽人

皆與之善

胡三省曰苻堅事始此

乙卯十一年

秦主苻生壽光元年涼王張元靚太始元年

春二月秦大蝗

百草無遺牛馬相噉毛

夏六月秦主健卒太子生

字長生健第三子立

先是秦太子萇拒桓溫中流矢死秦主健乃立子生

為太子

生幼少一目性麤暴其祖洪嘗戲之曰吾聞

亦一淚也洪大驚觀之生曰性耐力累不堪鞭撻洪謂健曰此究狂悖宜早除之不然必破人家健將殺之健弟雄曰兒長自當改何可遽爾及長力舉千鈞虎及奔馬擊刺騎射冠絕一時健以識文育三羊五眼之遂立至是健寢疾引魚遵雷弱兒毛貴王墮梁楞梁

安段純等受遺詔輔政謂生曰六夷酋帥及大臣執

權者若不從汝命宜漸除之遂卒生即位

生欲改元聲臣奏曰

未踰年而改元非禮也生怒窮推議主得僕射段純殺之中書監胡文言有星字于大角熒惑入東井不

出三年國有大喪大臣戮死願修德以讓之生曰皇

后與朕對臨天下可以應大喪矣毛太傅梁車騎梁僕射受遺詔輔政可以應大臣矣乃殺皇后及毛貴梁楞梁安已又殺丞相雷弱兒司空王墮并殺弱兒

九子二十七孫生雖諒陰避飲自若弩弓露刃以見
朝臣鐃鉦鑿備置左右即位未幾后妃公卿下至
僕隸凡殺
五百餘人

秋閏九月涼州弑其君祚立張元靚

字元安

為涼王

涼王祚淫虐上下怨憤河州刺史張瓘將軍宋混舉

兵攻祚弑之及趙長等瓘先欲復立曜靈會曜靈已

為祚所殺乃推其弟元靚為涼王

時方七歲

丙辰十二年春三月以桓溫為征討大都督督諸軍討姚

襄

先是姚襄所部多勸北還襄遂進據許昌至是桓溫請移都洛陽修復園陵章十餘上不許詔溫討襄

夏四月秦太后彊氏以憂卒

長安大風發屋拔木秦宮中驚擾或稱賊至宮門晝閉五日乃止秦主生推告賊者剗出其心彊太后弟

平諫生怒鑿其頂而殺之太后以憂恨卒已而生下詔曰朕受

天命君臨萬邦有何不善而謗譏之音扇滿天下殺不過千而謂殘虐行若比肩未足為希方當峻刑極罰復如朕何時潼關以西至長安自去春以來虎狼為暴不食六畜專務食人羣臣請禳之生曰野獸饑

則食人飽當自止何讓之有且天豈不愛民哉正以犯罪者多故助朕殺之耳

秋八月桓溫敗姚襄于伊水

注見前

遂入洛陽修謁諸陵

置戍而還襄北走據襄陵

漢縣今屬山西平陽府

桓溫自江陵北伐與僚屬登平乘樓

大船

望中原歎

曰遂使神州陸沉百年如墟王夷甫諸人不得不任

其責

託室袁宏曰運有廢興豈必諸人之過溫作色曰昔劉景升有千斤大牛噉芻豆十倍于常牛

神州陸沉王衍諸人實不得辭其責袁宏乃諉為運有廢興宜桓溫以大牛譏之

買重致遠曾不若一羸特魏武入荊州殺以享軍吏宏字度伯陳郡陽夏人胡三省曰溫以牛沉宏徒

靡廩祿而無用也

先是姚襄圍周成于洛陽

成本魏將降晉復叛洛陽

踰月不克及是溫軍至伊水襄撤圍拒之匿其精銳遣使謂溫曰襄今奉身歸命願救三軍小却當拜伏路左溫曰我自開復中原無豫君事欲來便前何煩使人襄拒水而戰大敗奔北山即北山溫追之不及周

成帥衆出降溫屯金墉謁諸陵修毀壞各置陵令表

謝尚鎮洛陽令潁川太守毛穆之

字憲祖
晉之子

等戍之襄

奔平陽其故將尹赤

為秦并
州刺史

以衆降之襄遂據襄陵

冬十月癸巳朔日食

十一月燕慕容恪攻廣固克之段龕降燕

初龕與燕主偽書抗中表之儀

偽段氏出

非其稱帝偽怒遣

慕容恪擊之龕弟熙驍勇有智謀請先帥精銳拒之

于河龕不從熙固請不已龕怒遂殺之

事在十一年

已而

恪引兵濟河龕拒戰恪大破其軍進圍廣固為高牆

深塹以守之龕樵采路絕城中人相食乃面縛出降

恪撫安新民悉定齊地

龕尋為偽所殺

遣司空車灌如洛陽修五陵

宣景文武惠五帝陵

詔遣灌等持節之洛陽修五陵帝及羣臣皆總服臨
于太極殿三日

丁巳升平元年

秦主苻堅永興元年燕光壽元年

春正月朔帝冠太后歸

政徙居崇德宮

二月太白入東井

秦有司奏太白罰星東井秦分當有暴兵起京師秦

主生曰太白入井自為
去聲渴耳何足怪乎

夏四月姚襄據黃落

即今黃堡鎮在西安府同官縣南長安志秦苻黃眉討姚襄于此

秦遣兵擊斬之弟萇

字景茂弋仲第二十四子

以衆降秦

襄將圖闕中進屯杏城

在郿郡南

羌胡及秦民歸之

者五萬餘戶遂據黃落秦遣廣平王黃眉東海王堅

將軍鄧羌禦之羌以騎三千壓襄壘門而陳襄怒出

戰羌陽敗走襄追至三原

宋白曰苻秦于截嶺山置三原護軍截嶺山亦曰峽

峽山在今西安府三原縣西北

羌迴騎擊之黃眉等以大衆繼至襄

兵大敗擒而斬之弟萇帥其衆降

秦以公禮葬襄

六月秦苻堅弒其君生自立為天王

秦主生殘虐滋甚

生夢大魚食蒲又長安謠曰東海大魚化為龍男皆為王女為公生

乃誅太師魚遵及其子孫又自以眇目諱言殘缺偏隻少無不具之類誤犯而死者不可勝數或剝人面皮使之歌舞以為樂羣東海王堅素有時譽與故姚臣得保一日如度十年

襄參軍薛讚

太原人

權翼

畧陽人

善讚翼密說堅宜早為

計勿使他姓得之堅以問尚書呂婆樓婆樓曰僕刀環上

人耳不足以辦大事里舍有王猛者謀畧不世出宜

請而咨之堅因婆樓以招猛一見如舊友語及時事

堅大悅自謂元德之遇孔明也

太史令康權言于生曰昨夜三月並出字

星入太微連東井自去月上旬沉陰不雨以至于先
今將有下人謀上之禍生怒以為妖言撲殺之

是特進梁平老勸堅及早舉事堅未敢發及是生夜
對侍婢言曰阿法兄弟亦不可信明當除之婢以告

堅及堅兄清河王法法與梁平老帥壯士潛入雲龍
門堅與呂婆樓帥麾下繼進宿衛將士皆舍仗歸堅
生猶醉寐堅兵殺之堅以位讓法法曰汝適嗣且賢

宜立堅乃去帝號稱大秦天王大赦改元立子宏為

太子法為丞相弟融

字博休

為陽平公子至

字永叔

為長

樂公李威

姑子

太后

為左僕射

目明辨過人耳聞則誦

愛重之至亦有文武才幹治民斷獄皆亞于融威知王猛賢勸堅以國事任之堅謂猛曰李公知君猶鮑

叔牙之于管仲也猛以兄事之法尋為苟太后所忌后乃與李威謀賜法死堅慟哭嘔血封其子陽為東

海公數為

清河公

秋八月立皇后何氏

散騎常侍準之女準字幼道潯人

冬十一月燕徙都鄴

燕主雋自薊徙都于鄴復作銅雀臺

燕主嘗夢石虎踞其臂乃發虎

臺求屍不獲購以百金得于東明視下體而不腐雋數其殘暴之罪而鞭之投諸漳水東明觀在故鄴

城南

秦以王猛為尚書左丞

秦王堅行至尚書以文案不治免左丞陳卓官以王
猛代之舉異才修廢職課農桑恤困窮禮百神立學
校旌節義繼絕世秦民大悅

戊午二年秋八月以謝萬監司豫等州軍事

會稽王昱欲以桓溫弟雲

初字子

為豫州刺史僕射王

彪之曰溫居上流已割天下之半其弟復處西藩兵

權萃于一門非深根固蒂之道也豈乃更以謝萬代

之

王羲之與溫陵曰謝萬才流經通使主廊廟固是後求之秀今以撫順荒餘則達才易務矣又遺萬

書曰以君適往不屑之韻而俯同羣辟誠難為意然所謂通識當隨事行藏耳願君與士卒之下者同甘

苦則盡善矣萬不能用

秦大旱

秦王堅減膳徹樂命后妃以下悉去羅紈開山澤之
利息兵養民旱不為灾

冬苟美伐燕不克而還以都曇

字重熙鑒之字

督徐兗軍事

燕泰山太守賈堅屯山茌

漢茌縣晉曰山茌隋省故城在今濟南府長清縣

荀羨引兵擊之擒堅遂拔山茌

羨謂堅曰君祖父世為晉臣奈何背本不

降堅曰晉自棄中華非吾叛也民既無主疆

已而暴

則托命既已事人安可改節遂憤惋而卒
容塵遣司馬悅明救泰山羨兵大敗燕復取山茌會
羨疾篤徵還以郗曇督徐兗軍鎮下邳

燕使慕容垂守遼東

燕吳王垂本名霸燕王儁素惡之因為更名

初燕王就奇霸

之才故名曰霸將以為世子羣臣諫而止然寵遇猶踰于世子由是儁惡之以其嘗墮馬折齒更名曰缺

尋以其應識文更名曰垂徙鎮龍城段末垂娶段氏段末

才高性烈自以貴姓不專事儁后足渾代北氏

后銜之中常侍湟浩湟姓希旨告段氏為巫蠱欲以

連污垂收下廷尉考驗終無撓辭故垂得免禍而段

氏竟死獄中出垂為平州刺史鎮遼東

己未三年秋泰山太守諸葛攸伐燕敗績冬十月謝萬都

曇復伐之曇病引還萬衆潰免為庶人

攸將水陸二萬擊燕入自石門山名在兗州府屯于

曲阜縣西北

荒誕如謝萬豈堪元戎之任安尚稱明達者乃欲以世俗周旋思濟其失亦可鄙矣

河渚

文河之渚荀美傳美引汶通渠至丁東阿

燕上庸王評即步騎五萬

與戰東阿

注見前

攸大敗十月詔萬軍下蔡

注見前

雲軍

高平

晉侯國後為縣北齊廢故城在今兗州府鄒縣

以擊燕

萬矜衆傲物但以嘯詠自高未

嘗撫衆兄安謂曰汝為元帥宜數接對諸將以悅其心豈有傲誕如此而能濟事也萬乃召集諸將一無所言直以如意指四座云諸將皆勁卒諸將益恨之安慮萬不免乃自陳帥以下無不親造厚相親託

萬帥衆入渦潁以援洛陽郗曇以病退屯彭城萬以

為燕兵大盛故曇退即引兵還衆遂驚潰

萬狼狽單歸諸將欲

圖之以安故而止

詔廢萬為庶人降曇號建武將軍于是許

昌潁川譙沛諸城皆沒于燕

十二月秦以王猛兼司隸校尉

先是堅以鄧羗為御史中丞又以猛領京兆尹

猛太子弟

德融酒豪橫掠人財貨子女猛下車收德奏未及報已陳屍于市堅馳使救之不及猛與羗同

志疾惡糾案無所顧忌數旬之間權豪貴戚殺戮刑

免者二十餘人朝廷震栗姦猾屏氣路不拾遺堅歎

曰吾今始知天下之有法也既而以猛為吏部尚書

尋遷太子詹事左僕射至是以猛為輔國將軍司隸

有毀輒罪之雖
因深知其賢然
猶衆口而任一
人適足自蔽聰
明非正道也

校尉居中宿衛餘官如故猛歲中五遷權傾内外人
有毀之者堅輒罪之于是羣臣不敢復言

庚申四年

燕慕容暉建熙元年

春正月燕主儁卒太子暉

字景茂立

初燕主儁寢疾謂太原王恪曰今二方未平景茂冲
幼社稷屬汝何如恪曰太子雖幼臣何敢干正統儁
怒曰兄弟之間豈虛飾邪恪曰陛下若以臣能荷天
下之任者豈不能輔少主乎儁喜曰汝能為周公吾
復何憂李績

字伯陽
產之子

清方忠亮汝善遇之召吳王垂

還鄴至足疾篤召恪及司空陽鷟司徒評將軍慕興
根受遺詔輔政乃卒太子曄即位慕興根自恃勲舊
心不服恪欲為亂已又思戀舊土謀欲還東恪乃密

奏根罪狀誅之

時新遭大喪誅夷狼藉內外恟懼恪舉止如常人

一人步從或說以宜自嚴備恪曰人情方懼當安重以鎮之奈何復自驚擾恪雖綜大任而朝廷之禮統統嚴重每事必與司徒評議之虛心待士諮詢善道量才授任人不踰位朝臣或有過失不顯其狀隨宜他敘時人以為大愧愛敬化者或有小過自相責曰爾復欲望寧公遷官邪朝廷初間僞卒皆以為中原可圖桓溫曰慕容恪尚在憂方大耳

秋八月辛丑朔日食既

桓溫以謝安為征西司馬

安少有名前後徵辟皆不就寓居會稽以山水文
籍自娛雖為布衣時人皆以公輔期之士大夫至相
謂曰安石不出當如蒼生何安弟萬廢黜始有仕進之
志時年已四十餘桓溫請為司馬安乃赴召溫深禮
重之

辛酉五年夏五月帝崩琅邪王丕

成帝長子即位是為哀帝

帝崩無嗣皇太后命曰琅邪王丕中興正統義望情
地莫與為比其以王奉大統于是百官備法駕迎入
即位

秋七月葬永平陵

在江寧府上元縣

九月立皇后王氏

潏之女

尊何皇后為穆皇后

涼張邕殺宋澄冬十月張天錫

字純嘏駿少子

誅之詔以張元

靚為涼州刺史西平公

先是涼宋混誅張曜

混素忠鯁曜欲殺之因廢張元
靚而自立混以太后令誅之

請張元靚去王號復稱涼州牧既而混卒元靚以混
弟澄為領軍將軍輔政右司馬張邕惡之至是邕攻
殺澄自為中護軍驕縱專權多所刑殺元靚叔父天
錫殺之盡滅其族元靚以天錫為大將軍輔政始奉
升平年號故有是命

秦滅張平

平故趙并州刺史趙亡降秦又降燕復請降于建康

欲中立以自固既而秦王堅擊之擒其養子張耗妹

弓上黨人多方趨捷能曳牛却走起越高城平衆大
聖謨人生致之節羌擒之以獻耗七吏反

潰乃降秦王以耗為虎賁中郎將常未幾燕擊平平

復降燕尋又叛燕至是秦攻之謝罪于燕以求救燕

人惡其反覆弗救也遂為秦所滅

秦舉四科

秦王堅命牧伯守宰各舉孝弟廉直文學政事察其
所舉得者賞之非其人者罪之由是人莫敢妄舉

請託不行士皆自勵雖宗室外戚無才能者皆棄不用官皆稱職田疇修闢倉庫充實賊盜屏息

哀皇帝

壬戌
隆和元年春正月減田租畝收二升

二月以庾希

字始茂
水之子

為徐克刺史袁真監豫司等州軍事

希鎮下邳真鎮汝南

燕呂護攻洛陽桓溫遣兵救之秋七月燕師引還

先是護遣使來降拜冀州刺史燕討之復奔還燕

事任

升平五年至是護攻洛陽守將陳祐告急桓溫遣庾希竟

陵太守鄧遐

字應遠
嶽之子

帥師助守因上疏請遷都洛陽

朝廷畏溫不敢為異著作郎孫綽

字興公
楚之孫

上疏爭之

疏曰自喪亂以來六十餘年士民播流江表已經數
世存者老子長孫亡者邱壠成行雖北風之思感其
素心目前之哀實為交切溫今此舉誠為違闢而百
姓震駭豈不以反舊之樂賒趨死之憂促哉臣愚以
為宜遣將帥有威名資實者先鎮洛陽掃平梁許清
查河南豺狼遠竄中夏小康然後可徐議遷徙耳

溫見綽表不悅曰致意興公何不尋君遂初賦

綽少
慕高

尚書著述初
賦以見志

而知人家國事邪時朝廷憂懼將遣侍

中止溫王述曰溫欲以虛聲威朝廷耳但從之自無
所至詔從其計溫果不行溫又議移洛陽鐘虞述曰
永嘉不輒暫都江左方當蕩平區宇旋軫舊京若其
不爾宜改遷園陵不應先事鐘虞溫乃止七月護
希等亦還

明年燕畧地河南陷許昌汝南
陳郡及河南諸城遂通洛陽

秦王堅臨太學

秦王堅親臨太學考第諸生經義與博士講論自是
每月一至

冬十二月戊午朔日食

癸亥 興寧元年夏五月加桓溫大司馬都督中外諸軍錄

尚書事

溫以王坦之

字文度

為長史又以郗超為參軍王珣

字元琳

為主簿每事必與二人謀之

府中為之語曰

能令公喜能令公怒溫氣聚高邁罕有所非與超言

常自謂不能測傾身待之超亦深自結納與謝元

子

為溫掾溫俱重之曰謝掾年四十必擁旄仗節王

當作黑頭公皆未易才也謝元字幼度安兄爽之

秋八月有星孛於角亢

涼張天錫弑其君元靚而自立

天錫弑元靚自稱涼州牧西平公遣司馬奉章詣建康請命

甲子二年涼西平公張天錫元年春三月大開戶口令所在土斷

令西北士民僑寓東南者所在以土著為斷嚴其法

禁稱為庚戌制以是月庚戌日行之故稱

帝寢疾皇太后臨朝攝政

帝信方士言斷穀餌藥以求長生侍中高崧諫不聽
尋以藥發不能親萬幾太后攝政

夏五月以王述為尚書令

述每受職不為虛讓其所辭必於不受及為尚書令
子坦之白述故事當讓述曰汝謂我不堪邪曰非也
但克讓自美事耳述曰既謂堪之何為復讓人言汝
勝我定不及也

加桓溫揚州牧

子請父讓父謂
定不及其何世
道人心吁可說
哉

時召溫入參朝政辭不至秋七月詔復徵溫溫至赭

圻

嶺名在太平府繁昌縣西

詔止之溫遂城赭圻

城在嶺下臨江

居之遙

領揚州牧

乙丑三年

秦建元元年

春正月皇后王氏崩

諡曰靖

桓溫移鎮姑孰以弟諮朗之

子

監荆揚等州軍事

三月帝崩琅邪王奕

帝之弟

卽位

是為廢帝

帝崩無嗣皇太后詔以奕承大統

燕陷洛陽將軍沈勁

字世堅充之子

死之

初沈充之子勁以其父死於逆亂志欲立功以雪耻
年三十餘以刑家不得仕及燕人逼洛陽陳祐守之
勁自表求配祐効力詔以為長史令自募兵得千人
以行至洛陽屢破燕軍祐自度不能守乃以救許昌
為名留勁以五百人守之勁喜曰吾志欲致命今得
之矣至是燕太宰恪吳王垂共攻克洛陽執勁勁神
氣自若恪將宥之將軍慕輿虔曰勁雖奇士觀其志
度終不為用遂殺之朝廷嘉勁之忠贈東陽太守

司馬氏光曰沈勁耻父之惡致死以滌之
變凶逆之族為忠義之門可謂能為子矣

葬安平陵

在江寧府
上元縣

夏六月益州刺史周撫卒

撫在益州三十餘年甚有威惠詔以其子楚

字元孫

代

之梁州刺史司勳久有據蜀之志憚撫不敢發及撫
卒遂舉兵反自稱成都王引兵入劍閣圍成都桓

溫遣江夏相朱序會楚討斬
之朱序字次倫義陽人

秋七月立皇后庾氏

冰之女

帝奕

丙寅太和元年夏五月皇后庾氏崩

秋七月葬孝皇后

冬十月以會稽王昱為丞相錄尚書事加殊禮

入朝不趨贊拜不名劍履上殿

丁卯二年春二月燕太宰慕容恪卒

恪疾病燕主暉親視之間以後事恪曰吳王垂文武

兼資管蕭之亞若任以政國家可安不然秦晉必有

覬覦之計言終而卒

秋九月以郝愔都督徐克等州軍事

冬代王什翼犍擊匈奴劉衛辰

鐵弗劉虎之曾孫

走之

先是衛辰降秦入居塞內已叛秦降代未幾又叛代至是什翼犍擊之河水未合命以葦絙約流漸俄而冰合然猶未堅乃散葦於其上冰草相結有如浮梁兵乘以渡衛辰不意兵猝至遂西走什翼犍收其部落什六七而還衛辰奔秦秦送還朔方遣兵戍之

戊辰三年春三月丁巳朔日食

冬十二月加桓溫殊禮

位在諸侯王上

已四年夏四月桓溫帥師代燕秦人救之秋九月溫及燕人戰於枋頭不利而還袁真以壽春叛降於燕

溫帥步騎五萬發姑孰自兗州伐燕六月至金鄉後漢

縣今屬兗州府天旱水絕使將軍毛虎生魏之小字名紀王靖后諱故行字字

又同桓溫母名更稱小字鑿鉅野注見前三百里引汶注見前會於清

卽今大清河古濟水也自泰安府東平州南東北流至武定府利津縣入于海通典東平濟南北海界中

有水流入海謂溫引舟師自清水入河舳艫數百里之清河即此

郝超謂溫曰清水入河難以通運若寇不戰運道必絕因敵為資復無所得此危道也不若舉衆趨鄴彼必望風逃潰北歸遼碣若能出戰則事可立決若恐勝負難必務欲持重則莫若頓兵河濟控引漕運俟資儲充備來夏乃進持此二策而連軍北上進不速決退必愆乏賊因此勢以日月相引漸及秋冬水更流滯北方早寒三軍裹褐者少恐燕主暉使下邳王於時所憂非獨無食而已溫不從

屬逆戰敗還前鋒鄧遐朱序亦敗燕兵七月溫至枋頭暉及太傅評大懼謀奔和龍吳王垂曰臣請擊之若其不撓走未晚也暉乃使垂率衆五萬以拒溫又

遣樂嵩請救於秦許賂虎牢以西之地

秦羣臣議曰昔桓溫伐我

燕不我救今溫伐燕我何救焉王猛曰燕雖強大慕容評非溫敵也若溫舉山東進屯洛邑收幽冀之兵

引克豫之粟觀兵峭渾則陛下大事去矣不如與燕合并以退溫溫退燕亦病矣然後我承其敝而取之

不亦善乎

堅從之八月秦王堅遣苟池鄧羌率步騎二萬以

救燕初溫使袁真攻譙梁開石門以通水運不克九

月燕范陽王德

字元明就少子

帥騎屯石門李邦帥兵斷溫

糧道德使慕容宙帥騎一千為前鋒與晉兵遇宙使

二百騎挑戰分餘騎為三伏挑戰者兵未交而走晉

兵追之。宙帥伏擊之。晉兵死者甚衆。溫戰數不利。糧儲復竭。又聞秦兵將至。楚舟棄輜重。鎧伏自陞道奔。

還自東燕。

晉郡卽春秋南燕。注見前。

出倉垣鑿井而飲。

胡三省注。恐燕追兵。

毒汴濟上流也。

行七百餘里。燕將爭欲追之。吳王垂曰：「溫初

退，必嚴設警備，簡精銳為後拒，不如緩之。」彼幸吾未

至，晝夜疾趨，俟其氣衰，擊之無不克矣。乃帥八千騎

行躡其後。溫果兼道而進，數日垂曰：「可矣。」乃急之追

及於襄邑。

注見前。

德先帥勁騎伏於東澗中，與垂夾擊。

溫大破之斬首三萬級秦苟池邀擊溫于譙又破之
溫收散卒屯於山陽深耻喪敗乃歸罪袁真秦免為
庶人真不服表溫罪狀朝廷不報遂據壽春叛降燕
冬十一月燕慕容垂出奔秦秦以為冠軍將軍

燕吳王垂自襄邑還鄴威名益振太傅評愈忌之垂
奏將士功賞皆抑而不行太后可足渾氏素惡垂與
評謀誅之太宰恪之子楷知之以告且曰先發制人
但除評及樂安王臧餘無能為矣垂曰骨肉相殘吾

不忍為也寧避之於外耳十一月請畋於大陸

注見前

因微服將趨龍城至邯鄲少子麟素不為垂所愛逃

還告狀燕主睪遣精騎追之垂散騎滅跡得免世子

令請給數騎襲鄴垂曰不可乃與段夫人

前妃段氏之女弟

及令楷并諸子俱奔秦初秦王堅聞恪卒陰有圖燕

之志憚垂不敢發及聞垂至大喜

鄒迎執手曰天生賢僕必相與共成

大功此自然之數也要當與卿共定天下告成岱宗

然後還卿本邦世封幽州使卿去國不失為子之孝歸朕不失事君之忠不亦美乎

子猛曰垂父子譬如龍虎非可馴之

符堅是時方有志并吞以垂材

智過人窮敵來
歸待以不次亦
不失駕馭英雄
之畧厥後雖雖
堅賊將所以喜
其後者無策日
曹操不投先主
後世未問謀其
失計至堅不投
再乃以小不忍
識之則斯云以
成敗論人者

物若借以風雲將不可復制不如早除之堅曰吾方
收攬英雄以清四海奈何殺之且其始來吾已推誠
納之矣匹夫猶不棄言況萬乘乎乃以垂為冠軍將
軍時燕遣梁琛使秦及歸言于評曰秦人日閱軍旅聚糧陝東和必不以此今呂王又往宜為之備評曰
秦主何如人琛曰明而惠斷問王猛曰名不虛傳既
又以告燕主瞻皆不然之惟皇甫真深以為憂上疏
請選將益兵以防未然不聽

秦遣王猛等伐燕十二月取洛陽

初燕人許割虎牢以西賂秦晉兵既退燕人謂曰行

人失辭有國有家者分災救難理之常也秦王堅大
怒遣猛及將軍梁成鄧羌帥步騎三萬伐之攻洛陽
洛陽降

桓溫徙鎮廣陵

溫發徐兗州民亦廣陵城徙鎮之時征役既頻加之

疫癘死者什四五百姓嗟怨秘書監孫盛

字安國太原中鄉人

作晉春秋直書時事溫見之怒謂盛子曰枋頭誠為
失利何至乃如尊君所言若此史遂行自是關若門

門戶事其子遽拜謝請改之時盛年老居家性方嚴
有軌度子孫雖班白待之愈峻至是諸子號泣稽顙
請為百口計盛大怒不許諸子遂私改之

蘇先已寫別本傳之

外國及孝武帝時求異書得之于遼東人與見本不同遂兩存之

庚午五年

是歲燕亡大國一秦小國二涼代凡三僭國

春正月慕容令自秦奔燕

王猛之發長安也請慕容令參其軍事以為鄉導既
至洛陽猛賂垂所親使詐為垂使者謂令曰吾父子
來此以逃死也今王猛疾人如仇秦王心亦難知聞

徒設計給今臨
東非正近也堅
待之如舊不失
人度能豈不知
猛之設計耶抑
知而故委曲了
事耶

東朝比來悔悟吾今還東汝可速發令疑之躊躇終

日又不可審覆乃奔燕軍猛表令叛狀垂懼而出走

為追騎所獲秦王堅待之如舊

堅謂垂曰卿家國失和委身投朕賢子心

不忘本亦各行其志然燕之將亡非今所能存惜其
徒入虎口耳且父子兄弟罪不相及卿何為過懼而

狼狽如燕人以令叛而復還疑為反間徒之沙城自令

度終不能免帥沙城戍卒數千人襲龍城
不克為其下所殺沙城在龍城東北

夏六月秦王猛督諸軍復伐燕

猛督將軍楊安等十將步騎六萬以伐燕燕主暉命

太傅評將中外精兵三十萬拒之評畏猛不敢進猛

克壺關

所過郡縣皆望風降附燕人大震司徒長史申屠數曰鄴必亡矣然越得歲而吳伐之卒

受其禍今福德在燕燕雖得志燕之復連不過一紀耳

入晉陽

楊安攻晉陽未下猛引兵助

攻為地道使將軍張蚝帥壯士數百潛入城中大呼斬關納秦兵

及慕容評戰于

潞川

水經注濁漳水過潞縣北閼駟曰潞為冀州浸即濁漳也潞縣故城在今潞安府潞城縣濁

漳注敗之

評走潞川猛進兵與相持評為人富鄙障見前固山泉驚樵及水積錢帛如邱陵士卒怨

憤莫有鬪志猛聞之笑曰慕容評真奴才雖億萬之衆不足畏況數十萬乎燕主辟讓評且趣使戰評大

懼請戰于猛俄而交兵秦將鄧羌張蛇等馳赴燕陣出入數四旁若無人燕兵大敗評單騎走還遂長

驅圍鄴

猛號令嚴明軍無私犯法簡政寬燕民各安其業更相謂曰不圖今日復見太原王猛聞

之嘆曰慕容元恭可謂古之遺愛矣設太牢以祭之

秋七月癸酉朔日食

冬十一月秦王堅入鄴執燕主暉以王猛為冀州牧都督關東六州軍事

秦兵圍鄴秦王堅詔猛曰朕今親帥六師星言電赴將軍其休養士卒以俟朕至然後取之于是堅留李威輔太子自率精銳十萬赴鄴燕主暉與慕容評等

奔龍城堅使將軍郭慶追之及于高陽執暉以詣堅

堅釋之令還官帥文武出降

評奔高句麗高句麗執送于秦前燕自慕容

廐據大棘至偽儲號及暉亡凡四主合八十六年

堅以猛為使持節都督關

東六州諸軍事冀州牧鎮鄴守令有關令以便宜補

授將士封賞各有差州縣守長皆因其舊以燕申紹

韋儒俱為繡衣使者循行關東觀省風俗勸課農桑

賑恤窮困收葬死亡旌顯節行燕政有不便于民者

皆變除之遷暉及鮮卑四萬戶于長安

封暉為新興侯以評為給事

中皇甫真為奉車都尉燕故太史黃泓嘆曰
燕必中興其在吳王乎恨吾老不及見耳

辛未

六年

簡文帝咸安元年

春正月桓溫拔壽春獲袁瑾誅之

先是袁真死子瑾代領其衆燕秦皆以兵助瑾桓溫
擊破之遂圍壽春至是燕已亡瑾求救于秦秦遣將

軍王鑒張蚝帥步騎二萬救之溫遣桓伊

字叔夏宣族子

等

大破鑒蚝于石橋

在肥水北

遂拔壽春擒瑾送建康斬之

代世子寔卒

後魏追謚獻明帝

初代將長孫

拓拔鬱律長子沙莫雄之後為長孫氏

斤謀弑代王什翼

捷寔格之傷脇至是卒寔娶東部大人賀野干

賀蘭部酋

長魏書官氏志北方賀蘭後改為賀氏

之女有遺腹子什翼犍名之曰

涉圭

即魏太祖道武皇帝後名珪

秦伐仇池克之執楊纂以歸

初朝廷以楊世

楊初曾孫

為秦州刺史世亦稱臣于秦世

卒子纂立始與秦絕至是秦將楊安等伐纂克之遂

執以歸秦王堅命安留鎮仇池

冬十一月桓溫入朝廢帝為東海王迎會稽王昱入即

位是為簡
文帝

溫恃其才畧陰蓄不臣之志嘗撫枕嘆曰男子不能
流芳百世亦當遺臭萬年溫欲先立功河朔以收時
望還受九錫及枋頭之敗威名頓挫既克壽春謂郝
超曰足以雪枋頭之恥乎超曰未也久之超就溫宿
中夜謂曰明公不為伊霍之舉無以立大威權鎮壓
四海溫遂與定議以帝素無過而林第易誣乃揚言
帝早有痿疾嬖人朱靈寶等參侍
內寢三美人生三男將移
皇基人莫能審其虛實
乃詣建康諷褚太后請廢

帝而立會稽王昱並作令草呈之太后集百官于朝

堂宣皇太后令廢帝為東海王迎昱即帝位

帝既即位溫有

足疾詔乘輿入殿溫撰辭欲陳述廢立本意帝溫咸引見便泣下數十行溫兢懼竟不能一言而出

勢翕赫侍中謝安見溫遙拜溫驚曰安石卿何事乃

爾安曰未有君拜于前臣揖于後溫遂還姑孰

秦王堅聞

君拜臣揖復成何語觀此則新亭談笑如出二人記載抵牾殊不可解

溫廢立謂羣臣曰溫前敗灊上後敗枋頭不能思愆自敗以謝百姓方更廢君以立威六十之叟舉動如此將何以容于四海乎諺曰怒其室而作色于父溫之謂矣

十二月降封東海王為海西縣公

桓溫奏廢放之人不可以臨黎元東海王宜依昌邑
故事太后詔封海西縣公尋遷于吳縣溫威震內外
帝雖處尊位拱默而已帝美風儀善容止留心典籍凝塵滿席湛如也雖神識恬
暢然無濟世大畧謝安以為惠帝之流但清談差勝耳

太宗簡文皇帝

壬申咸安二年春三月秦命關東禮送經藝之士

秦王堅詔關東之民學通一經才成一藝者所在郡
縣以禮送之在官百石以上學不通一經才不成一

藝者罷遣還民

秋七月帝崩太子昌明即位

是為孝武帝

帝不豫急詔桓溫入輔一日一夜發四詔溫辭不至

詔立皇子昌明為皇太子道子為瑯邪王

領會稽國以奉帝母

鄭太妃之祀

遺詔溫依周公居攝故事又曰少子可輔者

輔之如不可君自取之侍中王坦之持詔入于帝前

毀之帝曰天下僅來之運卿何所嫌坦之曰天下宣

元之天下陛下何得專之帝乃使改詔曰家國事一

簡文居攝之詔
朝臣幾欲休違
坦之庇之而
不行當時謝安

竟未有所匡正
想亦在請須大
司馬處分之列
耳蒼生如安石
何問望之不足
過如此

稟大司馬如諸葛武侯王丞相故事是日帝崩羣臣
曰當須大司馬處分王彪之正色曰天子崩太子代
立大司馬何容得異朝議乃定太子即位太后欲令
溫居攝彪之曰此異常大事大司馬必當固讓使萬
幾停滯稽廢山陵未敢奉令事遂不行溫望簡文臨
終傳位不爾
便當居攝既不副所望與弟冲書曰詔使吾依
武侯王公故事耳疑王坦之謝安所為心術之
八月秦加王猛都督中外諸軍事

先是秦王堅以猛為丞相苻融為冀州牧猛至長安

復加都督中外諸軍事辭章三四上堅不許猛為相
堅端拱于上百官總已下下軍國之事無不由之猛
剛明清肅善惡著白放黜尸素顯拔幽滯勸課農桑
練習軍旅官必當刑刑必當罪由是國富兵強戰無
不克秦國大治陽平公融在冀州生擅起學舍為有司所糾使燕尚書郎高泰至長安見
猛曰昔魯僖公以泮宮發頌齊宣王以稷下垂聲今
陽平公開建學宮乃頓有司舉劾明公慇懃如此下
吏何以逃罪乎猛曰
是吾過也事遂釋

冬十月葬高平陵

在江寧府上元縣

三吳大饑

烈宗孝武皇帝

癸酉 寧康元年春二月桓溫來朝

溫來朝詔吏部尚書謝安侍中王坦之迎于新亭時
都下恟恟云欲誅王謝因移晉祚坦之甚懼安神色
不變曰晉祚存亡決于此行溫既至百官拜于道側
溫大陳兵衛延見朝士坦之流汗沾衣倒執手板安
從容就席謂溫曰安聞諸侯有道守在四鄰明公何

須壁後置人祁溫笑曰正自不能不爾遂命撤之與

安笑語移日

溫令祁超卧帳中聽其言風動帳開安笑曰祁生可謂入幕之賓矣時天子幼

弱外有強臣安與坦之盡忠輔衛卒安晉室三月溫有疾還姑孰

秋七月桓溫死以桓冲都督揚豫江州軍事

溫疾篤諷朝廷求九錫屢使人趣之謝安王坦之故

緩其事使袁宏具草安見其草輒改之由是歷旬不

就溫弟江州刺史冲問溫以安坦之所宜任溫曰渠

等不為汝所處分也溫以世子熙才弱使冲領其家

溫卒冲代溫居任盡忠王室或勸誅除時望冲不從

始溫在鎮死罪皆專決冲以為生殺之重當歸朝廷

須報後行

熙及弟濟謀殺冲冲從之長沙稱溫遺令以少子元為嗣襲封南郡公時方五歲

桓元字敬道一名靈寶

皇太后臨朝攝政以王彪之為尚書令謝安為僕射

謝安以天子幼冲欲請崇德太后臨朝

褚太后居崇德宮簡文即

位尊后為崇德太后彪之曰上年垂及冠婚反令從嫂臨朝豈

所以光揚盛德乎安不欲委任桓冲故請太后臨朝

已得專決遂不從其言彪之與共掌朝政安每歎曰
朝廷大事衆所不能決者以諮王公無不立決

冬秦寇梁益陷之

秦取二州邛笮夜郎皆附之

梓潼太守周毓固守涪城遣步騎送母趣江陵

為秦將所獲毓遂降秦秦王堅欲以毓為尚書郎毓曰蒙晉厚恩老母見獲失節于此母子獲全秦之患也雖公侯之貴不以為榮遂不仕每見堅或箕踞而坐呼為匹賊秦人以毓不遜屢請殺之堅侍之彌厚

周毓字孟威楚之孫

彗星見

彗星出于尾箕

晉書天文志尾九星亦為九子箕四星亦曰天津

長十餘丈

經太微掃東井自四月見及冬不滅秦太史令張孟

言尾箕燕分

天文志自尾十度至南斗十一度為析木燕之分野

東井秦分自

井十六度至柳八度為鶉首秦之分野

也今彗起尾箕而掃東井十年

之後燕當滅秦二十年之後代當滅燕

胡三省曰按天文志雲中

入東井一度定翼入東井八度代郡入東井二十八度皆拓拔氏地也所以知代當滅燕者天道好還秦

已滅矣代乘天運反而滅燕自然之數也

慕容氏布列朝廷臣竊憂之宜

剪其魁傑以消天變堅不聽陽平公融亦上疏言之

堅報曰朕方混六合為一家視夷狄為赤子汝宜息慮勿懷耿介夫惟修德可以禳災苟能內求諸已何懼外患乎

戊申二年春二月以王坦之都督徐袞等州軍事詔謝安總中書

安好聲律暮功之慘不廢絲竹士大夫歎之遂以成俗坦之屢書苦諫曰天下之寶當為天下惜之安不能從又嘗與王羲之登冶城

在江寧府治北金陵記即今朝天宮悠然

遐想有高世之志義之謂曰夏禹勤王手足胼胝文
王旰食日不暇給今四郊多壘宜思自効而虛談廢
務浮文妨要恐非當世所宜安曰秦任商鞅二世而
亡豈清言致患耶

乙亥

三年夏五月徐充都督藍田侯王坦之卒

諡曰獻

坦之臨終與謝安桓冲書惟以國家為憂言不及私
以桓冲為徐州刺史謝安領揚州刺史

冲以安素有重望以揚州讓之自求外出桓氏族黨

莫不苦諫冲處之澹然

秋七月秦丞相清河侯王猛卒

諡曰武

猛寢疾秦王堅親為祈郊廟社稷分遣近臣徧禱河岳疾少瘳為之赦殊死以下猛上疏曰不圖陛下以臣之命而虧天地之德開闢以來未之有也臣聞報德莫如盡言謹以垂歿之命竊獻遺款夫善作者不必善成善始者不必善終古先哲王知功業之不易戰戰兢兢如臨深谷伏惟陛下追蹤前聖天下幸甚

堅覽之悲慟七月堅親至猛第視疾訪以後事猛曰
晉雖僻處江南然正朔相承上下安和臣沒之後願
勿以晉為圖鮮卑西羌我之仇敵終為大患宜漸除
之以便社稷言終而卒堅比斂三臨哭謂太子宏曰
天不欲使吾平一六合耶何奪吾景畧之速也葬之
如漢霍光故事

八月立皇后王氏

漢女孫

九月以徐邈

東莞姑幕人家京口

為中書舍人

晉官掌呈奏案

帝講孝經始覽典籍延儒士謝安薦邈補中書舍人
每被顧問多所匡益帝或宴集酣樂之後好為詩章
文詞穢雜邈應時收斂還省刊削經帝重覽然後出
之

冬十月癸酉朔日食

秦置聽訟觀遣太子入學禁老莊圖識之學

秦王堅詔曰新喪賢輔百司或未稱朕心可置聽訟
觀五日一臨以求民隱今天下雖未大定權可偃武

放誕之學原于
老莊悖亂之萌

起于圖讖東晉
膏盲銅疾符堅
一言足以洞其
癥結

修文以稱武侯

謂王猛

雅旨其增崇儒教禁老莊圖讖

之學犯者棄市妙簡學生太子及羣臣之子皆就學

受業尚書郎王珣讀讖堅殺之讖學遂絕

丙子太元元年

是歲涼代皆亡僭國一秦

春正月朔帝冠太后歸政以

謝安為中書監錄尚書事

秋七月秦遣兵擊涼州八月敗其兵涼將掌據死之張

天錫降

秦王堅以天錫雖稱藩受位而臣道未純遣將軍苟

萇梁熙等將兵臨西河尚書郎閻負梁殊奉詔徵之
若有違命即進師撲討負殊至姑臧天錫會官屬謀
之皆曰河西天險若悉境內精兵右招西域北引匈
奴何遽知其不捷也天錫攘袂大言曰孤計決矣言
降者斬乃縛負殊射殺之使將軍馬建帥衆二萬拒

秦八月秦師濟河天錫遣掌據軍于洪池

嶺名在今涼州府武

威縣東南自帥餘衆屯金昌城

在今涼州府永昌縣

苟萇使姚萇為

前驅馬建迎降掌據戰死

據兵敗就帳免胄西向稽首伏劍而死

天錫

出城自戰城內又反乃奔還姑臧秦兵至天錫面縛

出降涼州郡縣悉下封天錫歸義侯

前涼自張軌據涼州至天錫亡

凡九主合六十九年

詔除度田收租之制

初哀帝減田租畝收二升至是除之王公以下口稅米三斛蠲在役之身

冬十一月己巳朔日食

秦遣兵擊代敗之十二月代寔君弒其君什翼犍秦討

殺之遂分代為二部

劉衛辰為代所逼求救于秦秦王堅遣行唐公洛鄧
羌朱彤等將兵擊代以衛辰為鄉導代王什翼犍使

南部大人劉庫仁

一名洛垂衛辰之族什翼犍之孫

將兵拒戰大敗

什翼犍病不能自將乃奔陰山之北聞秦兵稍退復還

雲中初什翼犍世子寔早卒寔子珪尚幼慕容妃諸

子皆長繼嗣未定至是庶長子寔君遂殺諸弟并弑

什翼犍秦兵趨雲中部眾逃潰國中大亂珪母賀氏

以珪走依賀納野干秦王堅召代長史燕鳳字子章

問代亂故屬具以對堅曰天下之惡一也乃執寔君

至長安車裂之

堅欲遷珪于長安屬固請曰代王遣孫冲幼莫相統攝庫仁勇而有智衛

辰狡猾多變皆不可獨任宜分諸部為二令此兩人統之兩人素有深讐而勢莫敢先發俟其孫稍長立之是陛下有存亡繼絕之德于代使其子孫永為不侵不叛之臣此安邊之良策也堅從之分代

為二部自河以東屬庫仁自河以西屬衛辰使統其

衆賀氏以珪依庫仁庫仁招撫離散恩信甚著奉事

拓拔珪恩勤周備不以廢興易意常謂諸子曰此兒

有高天下之志必能恢隆祖業汝曹當謹遇之

丁丑二年春三月以朱序為梁州刺史鎮襄陽

冬十月以桓冲都督江荆等州軍事謝元監江北軍事

桓冲以秦人強盛欲移阻江南奏自江陵徙鎮上明

城名在荊州府松滋縣水經注江水東逕上明城北即此使劉波字道則隗之子守江陵

楊亮弘農華陰人漢太尉震之後守江夏時朝廷方以秦寇為憂

詔求文武良將可鎮禦北方者安以兄子元應詔初中

書郎郝超自以其父愔位遇應在謝安之右而優游散地常憤悵形于辭色由是與謝氏有隙及聞安舉

元嘆曰安之明乃能達忠舉親元之才足以不負所
舉衆咸以為不然趙曰吾嘗與元共在桓公府見其
使才雖復履間未嘗不得其任是以知之元鎮廣陵募驍勇之士得劉牢

之

字道堅彭城人

等數人以牢之為參軍常領精卒為前鋒

戰無不捷時號北府兵敵人畏之

散騎常侍王彪之卒

謹曰簡

初謝安欲增修宮室彪之曰中興之初即東府

在臺城

東為宮殊為儉陋蘇峻之亂成帝止蘭臺

即御臺都坐猶

都不蔽風雨是以更營新宮比之漢魏則為儉比之

初過江則為侈矣今寇敵方強豈可大興工役勞擾
百姓耶安曰宮室敝陋後人謂人無能彪之曰凡任
天下之重者當保國寧家緝熙政事乃以修屋室為
能耶安不能奪故終彪之之世無所營造彪之既卒
明年春遂作新宮至秋乃成

戊寅

三年春二月秦寇梁州夏四月陷南陽

秦王堅遣長樂公丕等攻襄陽至沔北梁州刺史朱
序以秦無舟楫不以為虞既而秦軍浮馬以渡序惶

駭固守中城丕督諸將攻之先是序母韓氏聞秦兵
將至自登城履行至西北隅以為不固帥百餘婢及
城中女丁築斜城于其內及秦兵敗城西北隅果潰
衆移守新城襄陽人謂之夫人城丕欲急攻襄陽荀
萇曰吾衆十倍于
敵糗糧山積但稍遷漢沔之民于許洛塞其運道絕
其援兵譬如網中之禽何患不獲而多殺將士急求
成功哉王從之元和志
夫人城在襄陽縣西北
慕容垂拔南陽執太守鄭
裔與丕會

己卯四年春二月秦陷襄陽執刺史朱序以歸

苻丕久圍襄陽秦御史中丞李柔劾丕師老無功請
徵下廷尉秦王遣使持節切讓丕等丕等惶恐命諸

軍并力進攻朱序屢破秦兵守備稍懈督護李伯護

為秦內應丕遂克襄陽執序送長安堅以序能守節

拜度支尚書以伯護為不忠斬之

秦將慕容越拔順陽執太守丁穆堅

欲官之穆固辭不受
丁穆字彥遠誰國人

夏四月秦陷魏興太守吉挹

字祖冲馮翊蓮芍人

死之

秦韋鍾拔魏興吉挹引刀欲自殺左右奪其刀會秦

人至執之挹不言不食而死秦王堅嘆曰周孟威不

屈于前丁彥遠潔已于後吉祖冲開口而死何晉氏

之多忠臣也

挹參軍史穎逃歸得挹臨終手疏詔贈益州刺史

五月秦陷盱眙進圍三阿

今曰北阿鎮在揚州府高郵川西北

謝元連戰

敗走之

先是秦陷彭城淮陰

謝元救彭城軍泗口欲道間使報太守戴逵部將田泓請沒水

潛往元道之為秦人所獲厚賂之使云南軍已敗泓偽許之既而告城中曰南軍垂至我單行來報為賊

所執勉之秦人殺之彭城遂陷至是秦將俱難彭超拔盱眙進圍田

洛于三阿去廣陵百里朝廷大震臨江列戍謝元自
廣陵救三阿難超戰敗退保盱眙六月元進攻之又
敗退屯淮陰元遣何謙等帥舟師乘潮而上夜焚淮

橋難超退屯淮北元謙等共追之戰于君川

胡三省注盱眙

縣北有君山此盱眙山也

復大破之難超北走僅以身免元還

廣陵加鎮徐州刺史秦王堅大怒徵超下廷尉自殺

難削爵為民

秦大饑

御批歷代通鑑輯覽卷三十三

欽定四庫全書

史部

御批歷代通鑑輯覽卷三十四

詳校官侍講臣王燕緒

編修臣裴謙覆勘

總校官進士臣程嘉謨

校對官學錄臣謝登雋

膳錄監生臣汪應鰲

欽定四庫全書

御批歷代通鑑輯覽卷三十四

晉

烈宗孝武皇帝

庚辰 太元五年春二月秦作教武堂

秦作教武堂于

渭城

注見前

命太學生明陰陽兵法者

教授諸將秘書監朱彤諫曰陛下四海之地什得其

八宜稍偃武修文乃更始立學舍教人戰鬪之術非

所以致太平也且諸將百戰之餘何患不習于兵而更使受教于書生非所以疆其志氣也此無益于實而有損于名堅乃止

夏四月以謝安為衛將軍與桓冲並開府儀同三司

朝廷以秦兵之退為謝安桓冲之功故有是命

六月秦以苻融為中書監都督諸軍錄尚書事苻丕為冀州牧苻暉為豫州牧

秦王堅以諸氏種類繁滋分三原

注見前

九峻

山名在西安府

醴泉縣
東北

武都汧雍

注俱見前

氏十五萬戶使諸宗親領之

散居方鎮如古諸侯

世領其種類如諸侯世封

以其子長樂公丕

鎮鄴平原公暉鎮洛陽石越梁謹毛興王騰等皆為

諸州刺史

堅送至至蒲上丕所領氏三千戶別其父兄皆慟哭哀感路人秘書侍郎趙整因侍

宴援琴而歌曰阿得脂阿得脂伯勞舅父是仇綏尼

長翼短不能飛遠徙種人留鮮卑一旦緩急當語誰

堅笑不納整宦官也博文疆記能屬文好直言面諫

慕容垂夫人得幸于堅堅與之同輦游于後庭整歌

曰不見雀來入鷲室但見浮雲蔽白日堅改容謝之

命夫人下輦堅與羣臣飲以極醉為限整作酒德之

歌曰地列酒泉天垂酒旗杜康妙識儀狄先知紂喪

殷邦桀傾夏國由此言之前危後則堅大悅自是宴

羣臣禮飲而已趙整畧陽清水人後出家事佛更
名道整伯勞爾雅曰鴟伯勞仇綏未詳酒旗通鑑作
池胡三省曰當從旗天久志軒輊石角南二
星曰酒旗杜康古之造酒者儀狄注見前

秋九月皇后王氏崩

冬十一月葬定皇后

辛巳六年春正月立佛精舍于殿內

帝初奉佛法立精舍

釋迦譜息心所按曰精舍

于殿內引諸沙門

居之左丞王雅

字茂達肅曾孫

諫不從

夏六月庚子朔日食

冬十一月秦寇竟陵桓冲擊破之遂拔管城

在安陸府鍾祥縣教

北水 獲其將閻振吳仲

振仲寇竟陵冲遣太守桓石虔

豁之子

叅軍桓石民

石虔

弟帥衆拒擊大破之振仲退保管城石虔進攻拔之

獲振仲俘斬萬七千有奇

壬午七年春三月秦司農苻陽

聖兄法之子

侍郎王皮

猛之尚

書郎周虓謀反事覺徙邊

秦東海公陽及王皮周虓謀反事覺收下廷尉秦王

堅問其反狀陽曰臣父哀公死不以罪

法死事見前

臣為

父復仇耳堅泣曰哀公之死事不在朕皮曰臣父丞

相有佐命之勲而臣不免貧賤欲圖富貴耳堅曰丞

相臨終託卿以十具牛為治田之資未嘗為卿求官

知子莫若父何其明也虓曰世荷晉恩生為晉臣死

為晉鬼復何問乎

先是虓屢謀反左右請殺之堅曰孟威烈士秉志如此豈憚死乎殺

之適足成其名耳

皆赦不誅徙陽高昌

即漢車師前部之高昌壁涼置郡秦因之

今為土皮虓朔方之北

魯番地

周虓既稱世荷晉恩則不宜受丞相既受爵虓得甄直責生之謝臣耳符陽王皮均為叛逆此而不誅何以立紀綱此特荷聖旨欲博寬名而失正氣矣

秋九月秦遣將軍呂光

字世明婆樓之子

將兵擊西域

車師鄯善入朝于秦請為鄉導以伐西域之不服者

因如漢法置都護以統理之秦王堅以呂光為都督

總兵十萬以伐西域陽平公融諫曰西域荒遠得其

民不可使得其地不可食漢武征之得不補失臣竊

惜之不聽

光行越流沙焉耆諸國皆降唯龜茲王帛純固守光進攻大破之帛純出走光撫寧

西域恩威甚著遠方諸國皆來歸附

冬十月秦會羣臣于太極殿

秦王堅會羣臣于太極殿議曰今四方畧定惟東南一隅未霑王化計吾士卒可得九十餘萬欲自將討之何如左僕射權翼曰晉雖微弱未有大惡謝安桓冲皆江表偉人君臣輯睦未可圖也太子左衛率石

越曰今歲鎮

二星名注見前

守斗

自南斗十二度至須女七度為星紀吳越分野

福

德

歲星所在其國有福故曰福德

在吳伐之必有天殃且彼據長江

之險民為之用殆未可伐也堅曰天道幽遠未易可知以吾之衆投鞭于江足斷其流又何險之足恃乎

于是羣臣各言利害久之不決堅曰此所謂築室道

旁無時可成吾當內斷于心耳

羣臣皆出獨留陽平公融問之對曰今伐

晉有三難天道不順晉國無勳我數戰兵疲民有畏敵之心羣臣言晉不可伐者皆忠臣也願陛下聽之堅作色曰汝亦如此吾復何望融泣曰晉未可滅昭然甚明且臣之所憂不止于此陛下寵育鮮卑羌羯布滿畿甸太子獨與弱卒留守京師臣懼變生肘腋不可悔也臣之頑愚誠不足采王景畧一時英傑陛下常比之諸葛武侯獨不記其臨沒之言乎堅不聽太子宏曰今歲在吳分又晉君無罪若大舉不捷恐威名外挫財力內竭耳堅曰昔吾滅燕亦犯歲而捷秦滅六國豈皆暴虐乎冠軍慕容垂獨言于堅曰陛下斷自聖心足矣晉武平吳所仗者張杜二三臣而已若從衆言豈有混一之功乎堅大悅曰與吾共定

天下者獨卿而已堅素信重沙門道安羣臣使來問
進言堅與遊東苑曰朕將與公南遊吳越泛長江臨
滄海不亦樂乎對曰陛下應天御世居中土而制四
維自足以比隆堯舜何必擲風沐雨經畧遐方堅不
聽所幸張夫人亦諫曰曰軍旅之事非婦人所當預
堅幼子詵最有寵亦諫堅曰天下大事孺子安知

秦大熟

先是五月秦幽州蝗秦王堅命散騎常侍劉蘭

彭城人

發民撲除之不能滅有司請徵蘭下廷尉秦王曰災

降自天非人力所能除此由朕之失政蘭何罪乎至

是歲大熟

上田畝收七十石下者三十石蝗不出幽州之境不食麻

豆

上田畝收百石
下者五十石

胡氏三省曰物反常為妖蝗之為災尚已蝗生而不食五穀妖之大者也農夫力穡有秋自古以來無畝收百石七十石之理即五十石三十石亦未之聞也使具有之豈非反常之大者乎使其無之則州縣相與誣飾以罔上亦不祥之大者也秦亡宜矣

癸未 八年夏五月桓冲帥師伐秦拔筑陽

漢縣隋省故城在今襄陽府穀城縣

先是冲遣將軍朱綽擊襄陽掠六百餘戶而還至

是冲帥師十萬復攻襄陽別將攻筑陽拔之

秦遣慕容垂來

救進臨沔水夜命軍士人持十炬繫于樹枝光照數十里冲懼退還上明

秋八月秦王堅大舉入寇詔征討都督謝石

字石奴萬之弟冠

軍將軍謝元等帥師拒之

秦王堅下詔大舉民每十丁遣一兵其良家子年二十以下有材勇者皆拜為羽林郎良家子至者三萬餘騎拜趙盛之為少年都統是時秦臣皆不欲堅行獨慕容垂姚萇及良家子勸之陽平公融諫曰垂萇我之仇讐良家少年皆富饒子弟不閑軍旅何可從也堅不聽八月遣融督張蚝慕容垂等步騎二十五

萬為前鋒以姚萇為龍驤將軍督益涼州諸軍

堅謂萇曰

朕昔以龍驤建業未嘗輕以授人卿其勉之實衛曰王者無戲言此不祥之徵也堅默然慕容紹言于垂

曰主上驕矜已甚叔父

建中興之業在此行也堅遂發長安戎卒六十餘萬

騎二十七萬九月至項城涼州兵始達咸陽蜀漢兵皆順流而下幽冀兵至于彭城東西數千里水陸並

進運漕萬艘融等兵先至潁口

潁水入淮之口在今江南潁川府潁上縣

東詔以謝石為征討大都督謝元為前鋒都督與將

軍謝琰

字瑗度安之子

桓伊胡彬等督衆八萬拒之

時都下震恐元

謝安賭墅齊訓為運籌帷幄不

動聲色然八公之勝非牛馬自敗乃公事則皆軍機至其於人何哉莫之可納讀書而不且卒識隨人是非者多矣

入問計于謝安安夷然答曰已別有旨既而寂然遂命駕出遊山墅親朋畢集與元園甚別墅安甚常劣于元是日元懼便為敵手而又不勝安遂遊陟至夜乃還桓冲深以根本為憂遣精騎三千入援安固却之曰朝廷處分已定兵甲無闕宜留以防西藩冲數曰安石有廟堂之量不閑將畧今大敵垂至方遊談不暇遣諸不經事少年拒之衆又寡弱天下事已可知吾其左衽矣

以琅邪王道子錄尚書六條事

冬十一月謝石謝元等大破秦兵于肥水

注見前

殺其大

將苻融秦王堅走還長安

秦陽平公融等攻壽陽

即壽春

克之胡彬退保硤石

山名

觀謝石謝元憚不敢進之狀則桓沖之言不為無見幸而朱序私通軍情符堅驕傲自滿符融朱誼軍機臨陣自退以至晉軍乘勢得勝耳不然石元將蹈負轅之機又何偉績之能建哉尹起莘所謂天幸非刻論也

在鳳陽府壽州西北水經注融進攻之秦將梁成等淮水北逕山碛中謂之碛石

屯于洛澗在鳳陽府定遠縣西柵淮以遏東兵謝石下流入淮謂之洛口

謝元等憚不敢進彬糧盡潛遣使告石等曰今賊盛

糧盡恐不復見大軍秦人獲之送于融融使人白秦

王堅曰賊少易禽但恐逃去宜速赴之堅乃留大軍

于項城引輕騎八千兼道就融遣朱序來說石等不

如速降序私謂石等曰若秦衆盡至誠難與為敵今

乘諸軍未集宜速擊之若敗其前鋒則彼已奪氣可

遂破也十一月元遣廣陵相劉牢之帥精騎五千趨洛澗梁成阻澗為陳以待之牢之直前渡水擊成大破之斬成分兵斷其歸津秦步騎崩潰赴淮死者萬

五千人于是石等水陸繼進

聖與融登壽陽城望之見晉兵部陣嚴整又望

見八公山上草木皆以為晉兵顧謂融曰此亦勃敵何謂弱也憚然始有懼色八公山在壽州東北漢

時有八公詣淮南王安同登此故名

秦兵逼肥水而陳元使謂融曰君

懸軍深入而置陳逼水此乃持久之計非欲速戰者

也若移陳小却使我兵得渡以決勝負不亦善乎秦

諸將皆曰我衆彼寡不如過之使不得上可以萬全
堅曰但使半渡我以鐵騎蹙而殺之蔑不勝矣融亦
以為然遂麾兵使却秦兵遂退不可復止元等引兵
渡水擊之融騎而畧陳欲以止退者馬倒為晉兵所
殺秦兵遂潰元等乘勝追擊至于青岡在壽州西北
一百步秦兵大敗自相蹈藉死者蔽野塞川其走者聞
風聲鶴唳皆以為晉兵且至晝夜不敢息草行露宿
重以飢凍死者什七八初秦兵小却朱序在陳後大

呼曰秦兵敗矣衆遂大奔序因與張天錫皆來奔獲

堅所乘雲母車及儀服器械不可勝計遂取壽陽

謝安

得驛書知秦兵已敗方與客圍碁攝書置牀上了無喜色圍碁如故客問之徐答曰小兒輩遂已破賊既

罷還內過戶限不覺履齒之折堅中流矢走至淮北謂張夫人曰吾

今復何面目治天下乎潛然流涕是時惟慕容垂所

將三萬人獨全堅以千餘騎赴之

時垂世子寶言于垂曰此時不可失

堅不早除垂垂不棄堅之危備者以為英雄度量過人論者又以為失事機皆非此堅貪管而欲借垂以就功垂因管而欲

願不以意氣微恩忘社稷之重垂曰彼以赤心投我若之何害之天苟棄之何患不亡不若保護其危以報德徐俟其弊而圖之既不負宿心且可以義取天下慕容德曰此為報仇非負宿心也垂曰吾昔為太

受堅以傳業正
吳越春秋所云
卿不知螭蛇不
知龜也

傳所不容置身無所秦王以國士遇我後為王猛所
賣秦王獨能明之此恩何可忘也若氏運必窮吾當
懷集關東以
復先業耳 垂悉以兵授堅堅收集離散比至洛陽

衆十餘萬

垂子農復謂垂曰尊不迫人于險其義聲
可以感動天下夫取果于未熟與自落不

過晚旬日之間然其難易
美惡相去遠矣垂善其言行至澠池垂言于堅曰北

鄙聞王師不利輕相煽動臣請奉詔書以鎮慰之堅

許之權翼諫曰垂勇畧過人世豪東夏譬如養鷹饑之

則附人每聞風颯起常有凌霄之志正宜謹其條籠

豈可解縱任其所欲哉堅曰卿言是也然朕已許之

匹夫猶不食言况萬乘乎若天命有廢興固非智力所能移也翼曰陛下重小信而輕社稷臣見其往而不返關東之亂自此始矣堅不聽翼密遣壯士邀垂于河橋垂疑之詭道而去堅至長安哭陽平公融而後入

以謝石為尚書令進謝元璩前將軍固讓不受

石等歸建康得秦樂工能習舊聲于是宗廟始備金石之樂

以王國寶為尚書郎

謝安壻王國寶坦之之子也安惡其為人每抑而不用由是怨安國寶從妹為會稽王道子妃帝與道子皆嗜酒狎昵國寶乃譖安于道子使離間之安功名既盛而險詖求進之徒多毀短安帝稍疎忌之

秦將軍乞伏國仁

隴西鮮卑其先有統于者以雄勇為諸部統主號乞伏可汗傳至祐隣其

衆漸盛即國仁五世祖也叛據隴右

初國仁之父司繁為秦將王統所破降秦秦以為南

單于留之長安已復使討叛胡遂鎮勇士川

本漢勇士縣晉

廢故城在今蘭州府金縣

司繁卒國仁嗣為秦前將軍從秦王堅

入寇其叔父步頽聞秦師敗率隴西以叛秦使國仁

討之國仁遂與步頽合衆至十萬據隴右

丁零

北狄種名
注見前

翟斌起兵攻洛陽秦使慕容垂討之垂

叛秦與斌合

慕容垂至安陽修好于長樂公丕丕館垂于鄴西垂

潛與燕故臣謀復燕祚會丁零翟斌

燕于丁零種落
居中山符堅滅

垂心懷復仇而託言報德蓋恐一發不中輒致蹉跌耳觀取果自落及說道壯士其深沈陰謀畢見若荷丕之應垂既隱為而俟其變又離間而歸之韓至斬吏燒亭反形已露託置不問則所謂婦人之仁匹夫之勇耳

燕徙之新安賦仕秦為衛軍中郎

叛秦謀攻洛陽秦王堅驛書使垂

討之石越言于丕曰垂有恢復舊業之志今復資之

以兵此為虎傅翼也丕曰垂在此常恐為肘腋之變

今遠之于外不猶愈乎乃以羸兵敝鎧給之又遣符

飛龍帥氐騎一千為之副密戒飛龍曰垂為三軍之

帥卿為謀垂之將行矣勉之

垂請入鄴城拜廟丕勿許乃潛服而入亭吏禁

之垂怒斬吏燒亭而去石越謂丕曰垂反形已露矣

可因此除之丕曰淮南之敗垂侍衛乘輿此功不可忘也越退告人曰公父子好為

垂留其子農及從子

楷紹于鄴行至安陽聞丕與飛龍謀因激怒其衆曰
吾盡忠于苻氏而彼專欲圖吾父子吾雖欲已得乎

乃停河內募兵旬日間有衆八千夜襲飛龍氏兵盡

殺之而慕容鳳

燕故宜都王桓子

等亦各帥部曲歸翟斌會

秦豫州牧平原公暉遣毛當討斌鳳擊斬之垂遂濟

河焚橋有衆三萬遣人告農等農等遂以晦日將數

十騎微服出鄴奔列人

漢縣北齊省故城在今廣平府肥鄉縣

起兵

甲九年

後燕慕容垂元年後秦姚萇白雀元年舊大國一秦新大國二後燕後秦凡三僭國

春正

月慕容垂自稱燕王

是為後燕

慕容鳳勸翟斌奉垂為盟主斌從之垂至洛陽斌勸

垂稱尊號垂曰新興侯

謂慕容暉

吾主也當迎歸反正耳

垂以洛陽四面受敵欲取鄴而據之乃引兵東至滎

陽羣下固請上尊號垂乃稱燕王立統府承制行事

帥衆二十餘萬自石門濟河長驅向鄴慕容農之奔

列人也止于烏桓魯利家

利為之置饌農笑而不食利謂其妻曰惡奴即貴人

家貧無以饌之奈何妻曰郎有雄才大志今無故而
至必將有異非為飲食來也君亟出遠望以備非常

利從之農以興復告利
利曰死生惟卽是從

乃詣張驤

亦烏桓人

說之驤曰得

舊主而奉之敢不致死于是農驅列人居民為士卒

使趙秋說屠各東夷烏桓各帥衆數千赴之步騎雲

集遂至數萬長樂公丕使石越討之農參軍趙謙請

急繫越農曰彼甲在外我甲在心畫戰則士卒見其

外貌而憚之不如待暮擊之可以必克令戰士嚴備

以待毋得妄動向暮農鼓譟而出大衆隨之大敗秦

兵斬越越與毛當皆秦驍將相繼敗沒秦人騷動盜

賊羣起垂至鄴農引兵來會垂遂立世子寶

字道為祐

太子封拜王公百餘人

丕使姜讓誚讓垂垂曰孤受主上不世之恩故欲安全長

樂公使赴京師然後修復舊業永為隣好若不以鄴城見歸當窮極兵勢恐單馬求生亦不可得也讓厲聲責之曰將軍不容于家國投命聖朝燕之尺土將軍豈有分乎主上與將軍風殊類別一見傾心親如宗戚寵適勲舊一旦因王師小敗遽有異圖長樂公受分陝之任寧可拱手輸將軍以百城之地乎將軍欲裂冠毀冕自可極其兵勢但惜將軍以七十之年懸首白旗高世之忠更為逆鬼耳垂默然左右請殺之垂曰彼各為其主耳何罪體而歸之上秦王堅表請送丕歸長安堅怒復書切責之

二月荊江都督豐城公桓冲卒

諡宣穆

冲聞謝元等有功自以失言慙恨成疾而卒

燕王垂圍鄴

燕王垂攻鄴拔其外郭秦長樂公丕退守中城垂築

長圍守之

垂遣其弟德及從子指等攻秦枋頭館陶皆取之于是關東六州郡縣多降于燕

燕慕容泓

暉之弟

起兵華陰慕容冲

泓之弟

起兵平陽秦遣

苻叡

聖之子

擊泓敗死夏四月叡司馬姚萇起兵北地自

稱秦王

是為後秦

泓為秦北地長史聞燕王垂攻鄴亡奔關東收集鮮

卑還屯華陰具衆遂盛自稱雍州牧秦王堅使鉅鹿
公獻都督中外諸軍事討泓以姚萇為司馬泓弟冲
為秦平陽太守亦起兵河東進攻蒲坂堅使竇衝討
之泓聞秦兵且至帥衆將奔關東獻羸猛輕敵欲馳
兵邀之姚萇諫不聽遂與戰兵敗為泓所殺萇遣其
長史詣堅謝罪堅怒殺之萇懼奔渭北馬牧于是天
水尹緯字景亮尹詳南安龐演等糾煽羌豪五萬餘衆
推萇為盟主萇自稱秦王進屯北地羌胡降者十餘

營中水三尺營外寸餘或出附會奇談不然則長結營處適當窪下耳名謂別有神佑乎地水能自源有是理乎

萬已而長出北地堅自帥步騎二萬擊之長兵屢敗

軍中無井秦人塞安公谷堰水以困之會天大雨長營中水三尺營外寸餘而已長軍復振堅歎曰天亦佑賊乎安公谷在西安府耀州

秦遣兵擊慕容冲破之冲奔華陰泓遂進徧長安

秦竇衝擊冲破之冲奔華陰泓衆至十餘萬改元燕興已

而燕諸將殺泓立冲為太弟冲大破秦兵于鄭西鄭縣

之遂據阿房城泓冲之叛也堅召慕容暉責之曰卿之宗族可謂人面獸心不可以國士

期也命暉以書招諭泓冲及垂暉密遣使謂泓曰吾龍中之人必無還理且燕室之罪人也不足復顧汝

勉建大業聽吾死便即尊位及泓見殺冲復敗秦兵暉與慕容肅謀伏兵殺堅事覺堅誅暉肅并鮮卑無

少長皆段之燕王垂幼子桑與太子竇之子
盛乘間得出奔冲阿房城注見前阿房

六月崇德太后褚氏崩

秋七月葬康獻皇后

八月燕王垂解鄴圍趨新城

即新興城垂所築以置輜重在廣平府肥鄉縣

初燕王垂圍鄴城久不下以右司馬封衡言引漳水

灌之垂行圍因飲于華林園秦人密出兵掩之矢下

如雨垂幾不得出冠軍慕容隆將騎衝之垂僅而得

免至是鄴中芻糧俱盡削松木以飼馬垂曰苟丕必

無降理不如開丕西歸之路以謝秦王疇昔之恩乃

解圍趨新城

時翟斌以鄆城不下潛與秦通謀事覺垂殺之

遣都督謝元帥師伐秦取河南

太保安

三月詔以安為太保

奏請乘苻氏傾敗開拓中原以元

為前鋒都督帥桓石虔等伐秦元至下邳秦徐州刺

史趙遷棄彭城走元進據之使彭城内史劉牢之攻

秦兗州刺史張崇棄鄆城奔燕牢之據鄆城河南城

堡皆來歸附

已而元遣兵攻秦青州降之朝廷加元都督徐兗青司冀幽并七州諸軍事

冬十月辛卯朔日食

後秦王萇攻新平

後漢郡今陝西邠州是

初新平人殺其郡將秦王堅缺其城角以恥之新平

民望

謂郡之賢豪

深以為病欲立忠義以雪之及是萇至

太守苟輔欲降郡人馮傑等諫曰昔田單以一城存

齊今秦猶連城過百奈何遽為叛臣乎輔喜曰此吾

志也于是憑城固守後秦為土山地道輔亦于內為

之或戰地下或戰山上後秦之衆死者萬餘人輔詐

降以誘養養將入城覺之而返輔伏兵邀擊幾獲之

又殺萬餘人

輔堅守數月糧竭矢盡乃帥其民以出欲赴長安養圍而阮之

慕容垂復圍鄴謝元遣劉牢之救之且饋之粟

先是謝元遣劉牢之等據碣磔

城名在泰安府東阿縣碣磔山上郭

滿據滑臺

亦曰白馬城今為衛輝府滑縣治元和志滑州治白馬城即古滑臺昔滑氏于此為

壘後人增以為城

顏肱劉襲軍河北襲攻黎陽

注見前

克之符

丕大懼會燕王垂復引兵圍鄴丕進退路窮遣參軍

焦達請救于元元欲徵丕任子達固陳丕疑誠元乃

遣劉牢之等帥衆二萬救鄴不告饑元運米二千斛饋之

乙酉十年

秦王苻堅大安元年西燕主慕容冲更始元年西秦王乞伏國仁建義元年舊大國三秦燕後

秦新大國一西燕小國一西秦凡五僭國春正月燕慕容冲稱帝于阿房是為

西燕

冲稱帝改元頗有自得之志賞罰任情慕容盛

字道運寶

庶長子

年十三謂慕容柔曰十人之長亦須才過九人

然後得安今中山王才不逮人功未成而驕已甚殆

難濟乎

已而冲襲長安秦王堅與戰屢敗之

夏四月劉牢之進兵至鄴燕王垂逆戰敗走中山牢之追擊大敗而還

牢之自枋頭至鄴燕王垂逆戰而敗遂撤圍北遁牢之引兵追之疾趨二百里至五橋澤

胡三省注在臨漳縣北

爭

燕輜重垂邀擊大破之牢之單馬走會秦救至得免鄴中饑甚丕率衆就晉穀于枋頭牢之入屯鄴城兵復少振尋坐軍敗徵還丕亦還鄴

燕秦相持經年幽冀人相食邑落蕭

堅始禁圍識之
學不可謂不明
至是轉信識文
以身嘗試豈喪
敗之後神智喪
沮遂致還庭若
此邪其不能復
振宜矣

條垂以桑堪為
軍糧北趨中山

五月西燕攻長安秦王堅出奔五將山

在鳳翔府岐山
縣東北亦曰武

將山後秦執之以歸

西燕主沖攻長安秦王堅身自督戰飛矢滿體沖縱
兵暴掠士民流散道路斷絕千里無煙堅大懼以讖
書云帝出五將久長得乃留太子宏守長安帥騎數
百與張夫人中山公詵奔五將山後秦王萇遣驍騎
將軍吳忠圍之秦兵皆散走堅神色自若忠執之送

詣新平

堅之出也宣告州郡期以孟冬救長安宋不能守出奔下辨

可勝計已而宏自武都

假道來奔詔處之江州

秋八月太保建昌公謝安卒

諡曰文靖

先是安與琅邪王世子有隙會秦人求救安請自將出鎮廣陵至是有疾求還至建康而卒詔加殊禮以葬

以琅邪王世子領揚州刺史錄尚書都督中外諸軍事
後秦王長弒秦王堅

後秦王萇幽秦王堅于別室使求傳國璽堅叱之曰
五胡次序無汝羌名璽已送晉不可得也堅自以平
生遇萇有恩尤忿之數罵萇求死萇遣人縊之張夫
人中山公詵皆自殺後秦將士亦皆哀慟萇欲隱其
名諡堅曰壯烈天王

司馬氏光曰論者皆以為堅之亡由不殺慕容垂姚
萇光獨以為不然使堅治國無失其道則垂萇皆秦
之能臣也烏能為亂哉李克有言數戰則民疲數勝
則主驕以驕主御疲民未有不亡者也堅似之矣

秦苻丕稱帝于晉陽

秦長樂公丕將赴長安會幽州刺史王永猛之子自薊

州壺關遣使招之丕乃帥鄴中男女六萬餘口西如

潞川將軍張蚝并州刺史王騰迎入晉陽永以騎來

會丕始知堅死乃發喪即位

丕既去鄴燕使慕容和守之

九月秦呂光還自龜茲擊涼州殺其刺史梁熙而代之

初呂光以龜茲饒樂欲留居之天竺沙門鳩摩羅什

曰此不足留將軍但東歸自有福地可居光乃以駝

二萬餘頭載外國珍寶奇玩驅駿馬萬匹而還至王

門涼州刺史梁熙發兵拒之光破其兵斬熙入姑臧

自領涼州刺史郡縣皆降

酒泉太守宋皓西郡太守索泮城守不下光攻而執

之責泮不降泮曰將軍受詔平西域不受詔亂涼州梁公何罪而將軍殺之泮力不能報讐主滅臣死固其宜也光皆殺之初張天錫之南奔也秦長水校尉王鴆匿其世子大豫與俱奔河西既而魏安人焦松聚兵迎大豫為主攻拔昌松進逼姑臧嶺西諸郡皆應之尋為呂光所攻大豫奔廣武廣武人執送姑臧斬之鴆亦被殺
索泮字德林敦煌人西郡後漢末置治日勒故城在今甘州府山丹縣魏安廣武皆前涼所置郡故城俱在今涼州府平番縣昌松本漢蒼松縣後涼改昌松廢縣在涼州府古浪縣

乞伏國仁自稱單于

是為西秦

國仁稱單于置將相分其地置十二郡築勇士城而

都之秦封以為苑川

城名在蘭州府金縣水經注苑川水北逕牧師苑故漢牧苑之

地有東西二城相去七里王

冬十二月燕慕容麟攻秦博陵

後漢縣晉置郡後魏省故城在今保定府蠡縣

守將王充

新平氏人

死之

麟攻博陵王充固守城中糧竭矢盡功曹張猗踰城

出聚衆以應麟充臨城數之曰卿是秦民吾是卿君

卿起兵應賊而號義兵何名實之相違也古人求忠

臣必于孝子之門卿母在城棄而不顧吾何有焉不
意中州禮義之邦乃有如卿者也麟拔博陵執兗殺
之

燕定都中山

先是燕樂浪王溫屯中山撫舊招新勸課農桑倉庫
充溢溫乃運給軍糧且營中山宮室及是燕王垂至
謂諸將曰樂浪王之功雖蕭何何以加之乃定都焉

丙十一年

秦主苻登泰初元年燕建興元年後秦建初
元年西燕主慕容永中興元年魏太祖道武

帝拓跋珪登國元年涼王呂光天安元年舊大國四秦燕後秦西燕小國一西秦新大國一魏小國一後涼凡七惜

國

春正月拓跋珪復立為代王

先是劉庫仁死弟頭眷代領其衆庫仁之子顯弒之而自立顯又欲殺拓跋珪珪遂奔賀蘭部依其舅賀

訥至是珪從曾祖紇羅

力微之會孫

與諸部大人共請賀

訥推珪為王大會于牛川

在今山西朔平府右玉縣北邊牆外

即代王

位以長孫嵩

代人

叔孫普洛

拓跋隣命叔父之裔曰乙旌氏後改叔孫氏

為南北部大人分治其衆以張袞

字洪龍上谷沮陽人

為左長

史許謙

字元邈代人

為右司馬王建

廣寧人

等為外朝大人

奚牧

拓跋隣之弟為連奚氏後改奚

為治民長皆掌宿衛及叅謀議

長孫道生

嵩從弟

等出納教命尋徙都盛樂

已而珪以燕師擊顯

大破之

顯奔西燕盛樂注見前

燕王垂稱皇帝

始置公卿百官繕治宗廟社稷

丁零翟遼

斌從子

據黎陽

翟斌之死也遼奔黎陽太守滕恬之

南陽西鄆人含從子

甚愛

信之恬之喜畋獵不愛士卒遼潛施姦惠以收衆心

遂執恬之而據其郡

明年燕王垂使慕容楷擊遼降之遼尋復叛燕自稱魏天王屯

滑臺

二月西燕弒其主沖

沖樂在長安且畏燕主垂之彊課農築室為久安計

鮮卑咸怨將軍韓延因衆心不悅殺之立沖將段隨

為燕王三月慕容恒慕容永

鹿從孫

殺隨立宜都王子

顏帥鮮卑男女四十萬口去長安而東恒第韜殺顏
恒立沖之子瑤永又殺之乃立泓之子忠為帝忠以
永為丞相至聞喜聞燕王垂已稱帝不敢進築燕熙
城在今絳州
聞喜縣而居之未幾刁雲等復殺忠推永為河
東王稱藩于燕

三月泰山太守張願叛謝元退屯淮陰

初謝元欲使朱序屯梁國而自屯彭城以北固河上
西援洛陽朝議以征役既久欲令元置戍而還至是

張願以郡叛降翟遼北方騷動元謝罪乞解職詔慰

諭令還淮陰

明年燕擊張願破之于是青兗徐諸州郡縣壁壘多降于燕後劉牢之擊敗翟

遼願復來降

夏四月代改稱魏

魏王珪務農息民國人悅之

後秦王苻萇取長安稱皇帝

鮮卑既東長安空虛萇取之始稱皇帝置百官

六月以楊亮為雍州刺史鎮衛山陵荊州刺史桓石民

取弘農初置湖陝二戍

後湖陝為姚興所陷

秋七月秦以苻登

字文高堅族孫

為南安

注見前

王

枹罕諸氏以河州刺史衛平衰老廢之推狄道長苻登為雍河二州牧率衆五萬下隴攻南安拔之馳使請命秦主丕因而命之仍封南安王

冬十月西燕擊秦敗之秦主丕奔東垣

故城在今河南府新安縣魏書

地形志新安郡東垣即此將軍馮該擊殺之

慕容永遣使詣秦主丕求假道東歸丕不許與戰于

襄陵秦兵大敗丞相王永等皆死丕帥騎數千南奔
東垣謀襲洛陽馮該自陝邀擊殺之執其太子寧等
送建康詔赦不誅

西燕慕容永稱帝于長子

漢縣今屬山西潞安府

永進據長子即帝位將以秦后楊氏為上夫人楊氏

引劍刺之為永所殺

時燕主垂之子柔及孫斌皆在長子相繼逃歸于垂

海西公奕薨于吳

公自徙吳之後深慮橫禍專飲酒恣聲色有子不育

時人憐之至是薨

年四十五

十一月秦苻登稱帝于南安

登既克南安夷夏歸之者三萬餘戶遂進攻後秦主

萇之弟碩德于秦州萇自往救之登與戰大破之啖

青

啖姓青名氏人

射萇中之萇走保上邽碩德代統其衆至

是秦尚書寇遺奉渤海王懿

丕之子

自杏城

注見前

奔南

安登發丕喪行服議立懿為主衆曰渤海年幼未堪

多難非大王不可登乃即帝位

十二月呂光自稱酒泉公

是為後涼

初光得秦主堅凶問舉軍縞素至是自稱涼州牧酒

泉公

秦主登伐後秦

秦主登立世祖

丕諡堅世祖宣昭皇帝

神主于軍中載以輜輶

衛以虎賁凡所欲為必啟而後行引兵五萬東擊後

秦將士皆刻鉞鎧為死休字每戰以劍稍為方圓大

陣有厚薄從中分配故人自為戰所向無前

初長安之將敗

也將軍徐嵩胡空各聚衆結壘自固既而受後秦官爵後秦以王禮葬秦王聖于二壘之間及登至嵩空以壘降登拜嵩雍州刺史空京兆尹改葬聖以天子之禮徐嵩字元高咸之子

丁亥十二年春正月以朱序為青兗刺史鎮淮陰謝元為

會稽內史

夏四月尊母李氏為皇太妃

五月徵處士戴逵

字安道譙國人也徙會稽

不至

踰垣閉門聖賢
譏其已甚安有
奉詔徵而可逃
匿他所乎逵托
自求其志之說
純虛虛辭所謂

詔徵會稽處士戴逵逵累辭不就郡縣敦逼不已逵逃匿于吳內史謝元上疏曰逵自求其志今王命未

率天下而入於
無用者必欲曲
成其名於世何
補謝元顯斤斤
愛惜謂當使其
姓名並存亦鄙
論耳

回將罹風霜之患陛下既已愛而器之宜使其身名
並存請絕召命帝許之

秋八月立子德宗為皇太子

冬十二月後秦攻秦拔將軍徐嵩壘嵩死之

後秦姚方成拔嵩壘執而數之嵩罵曰汝姚萇罪當
萬死先帝赦之授任內外榮寵極矣曾不如犬馬識
所養之恩親為大逆汝羌輩豈可以人理期也何不
速殺我早見先帝取萇于地下治之方成怒三斬嵩

悉坑其士卒

長掘秦主堅屍鞭撻刺裸薦之以棘坎土而埋之

戊子十三年

西秦王乞伏乾歸太初元年

春正月康樂公謝元卒

諡獻武

秦主登軍朝那

漢縣屬安定郡後魏廢故城在今平涼府平涼縣

後秦主苻軍

武都

胡三省注此武都亦當在安定界漢安定有安武縣武都或即此地

兩秦相持屢戰互有勝負數月乃解關西豪傑以後

秦無成功多去而附秦

夏四月以朱序都督司雍等州軍事成洛陽譙王恬

字元

愉烈王都督兗冀等州軍事鎮淮陰

無忌子

御批歷代通鑑輯覽

卷八

六月西秦王乞伏國仁卒弟乾歸立

乾歸號河南王遷都金城

注見前

秦封以為金城王秦

涼鮮卑羌胡多附之

秋八月魏遣使如燕

魏主珪密有圖燕之志遣九原公儀

什翼犍之孫

奉使至

中山還言于珪曰燕主衰老太子闇弱范陽王

謂慕容德

自負材氣非少主臣燕主既沒內難必作于時乃可

圖也今則未可珪善之

己十四年

後涼麟嘉元年

春二月呂光自稱三河王

秋八月秦主登擊安定後秦主萇襲破其輜重秦后毛

氏死之

秦主登留輜重于大界

胡三省注在安定新平之間

自將輕騎攻

安定

先是後秦主萇以秦戰屢勝謂得秦王堅之助亦于軍中立堅像而禱之秦主登升樓遙謂之

曰為臣弑君而立像求福庸有益乎因大呼曰弑君賊姚萇何不自出吾與汝決之萇不應至是萇以軍

未有利斬像首以送秦

諸將勸萇決戰萇曰與窮寇爭勝兵家

之忌也吾將以計取之乃留兵守安定夜帥騎三萬

襲大界克之登后毛氏美而勇善騎射兵入其營猶
彎弓跨馬帥壯士力戰殺七百餘人衆寡不敵為後
秦所執長將納之毛氏罵且哭曰姚萇汝已弑天子
又欲辱皇后皇天后土寧汝容乎遂殺之

諸將欲因
秦軍驍亂

擊之萇曰登衆雖亂怒氣猶盛未
可輕也遂止登收餘衆保胡空壘

劉友為書法曰秦世氏耳前王充繼除蒿
此毛氏死節者凡三人世亂識忠臣信哉

冬十一月以范甯

字武子
順陽人

為豫章太守

初帝既親政事威權已出有人主之量已而溺于酒

色委政于琅邪王道士道士亦嗜酒日夕與帝以酣

歌為事又崇尚浮屠窮奢極費所親昵者皆娼武酣反老

女姆莫補反稱女師也僧尼近習弄權交通請託賄賂公行官

爵濫雜刑獄繆亂尚書令陸納望宮闕歎曰好家居

許營上疏不省陸納字道子勢傾中外帝漸不平祖言吳人許營會稽人

侍中王國寶以讒佞有寵于道士諷八座啟道士宜

加殊禮護軍車胤字武子曰此乃成王所以尊周公

者今主上當陽豈得為此乃稱疾不署疏奏帝大怒

先由小忠信以成大不忠不信實于古小人通病徐邈評諱致書成解勿任耳目持論極當但所云得國士良吏要以攝掌則猶未為盡善使無克知灼見之

而嘉胤有守中書侍郎范甯徐邈為帝所親信數進忠言補正闕失指斥姦黨國寶甯之甥也甯尤疾其阿諛勸帝黜之國寶遂與道子譖甯出為豫章太守甯在豫章遣議曹下屬城掾求風政訊問官長得失徐邈與甯書曰自古以來欲為左右耳目者無非小人皆先因小忠而成其大不忠先藉小信而成其大不信遂使讒諂並進善惡倒置可不戒哉足下慎選綱紀必得國士以攝諸曹諸曹皆得良吏以掌文案又擇公方之人以為監司則清濁能否莫可混淆足下但平心而處之何取于耳目哉甯好儒學性執直常謂王弼何晏之罪源于桀紂或以為貶之太過甯曰王何茂棄典文幽沉仁義游辭浮說波蕩後生使縉紳之徒翻然改轍以至禮壞樂崩中原傾覆遺風

明採取虛名過
為任用則貽誤
正復不流生嘯
畫諾之風其流
弊將安底哉

餘俗至今為患桀紂縱暴一時適足以喪身覆國為
後世戒豈能同百姓之視聽哉故吾以為一世之禍
輕歷代之患重自喪之
惡小迷衆之罪大也

庚寅十五年春正月西燕主永冠洛陽朱序擊走之還擊
翟遼又走之

西燕主永引兵向洛陽朱序自河陰北濟河擊敗之

永走還上黨序追至白水

在山西澤州府鳳臺縣南
水經注白水出高都縣故

城西即此會翟遼謀向洛陽序乃引兵還擊走之留將軍

朱黨守石門使其子畧督護洛陽自還襄陽

已而西
燕復冠

河南太守楊佺期擊破之
佺期亮之子

二月以王恭字孝伯都督青兗等州軍事

琅邪王道子恃寵驕恣帝寢不能平欲選時望為藩

鎮以潛制之問于太子左衛率王雅曰吾欲用王恭

殷仲堪陳郡人何如雅曰恭風神簡貴志氣方嚴仲堪

謹于細行以文義著稱然皆峻狹自是幹畧不長天

下無事足以守職若其有事必為亂階矣帝不從乃

使恭鎮京口

夏四月秦將軍魏揭飛攻後秦之杏城雷惡地應之後秦主苻擊斬揭飛惡地降

先是秦將軍雷惡地降于後秦

後秦主苻使人詐招秦主登許開門納之

登將從之惡地在外馳騎見登曰苻多詐不可信也
苻聞之謂諸將曰此羌見登事不成矣登以惡地勇
畧過人憚之于
是惡地降苻至是秦主登遣將軍魏揭飛帥氐胡

攻後秦將姚當成于杏城惡地復應之攻李潤

地名在同

州府大荔縣西北李延壽曰馮翊東有李潤鎮即此

後秦主苻自引精兵一千

六百擊之揭飛惡地有衆數萬氐胡赴之者首尾不

絕見後秦兵少悉衆攻之萇固壘不戰示之以弱潛

遣騎出其後揭飛兵擾亂萇縱兵擊之斬揭飛及其

將士萬餘級惡地請降萇待之如初

萇命姚當成于所營之地每柵

孔中樹一木以狴戰功當成曰營地太小萇曰我自

結髮以來與人戰未嘗如此之快以千餘兵破三萬

之衆營地惟小為奇豈以大為貴哉是秋馮翊人郭

質起兵應秦移檄三輔獨鄭縣人苟曜不從聚衆附

于後秦擊質質走洛陽明年夏苟曜密招秦主登許

為內應登赴之軍于馬頭原萇帥衆逆戰登擊破之

斬其將軍吳忠萇收兵復戰姚碩德問之萇曰登用

兵遲緩不識虛實今輕兵直進此必苟曜與之有謀

也緩之則其謀得成故及其未合急擊之耳遂進戰

大敗之登退屯郿尋復攻安定萇拒之謂太子興曰

苟曜聞吾北行必來見汝汝執誅之長既行曜果至長安興誅之長擊登于安定城東敗之馮頭原在

鳳翔府郿縣東南

辛十六年冬十月魏王珪擊桑然

東胡之苗裔其先曰木骨閭因以為氏木

骨閭死子車鹿會雄健始有部衆自號桑然

大破之徙之雲中

初桑然部人世服于代及秦滅代遂附于劉衛辰魏

王珪即位高車

古赤狄之種初號為狄歷北方名為勒勒諸夏以為高車丁零諸部

皆服獨桑然不下珪引兵擊之桑然舉部遁走珪倍道追之及于大磧大破之悉徙其部衆于雲中

劉衛辰攻魏南部魏王珪大破之衛辰走死諸部悉降

劉衛辰遣子直力鞬率衆九萬攻魏南部魏王珪引

兵大破之乘勝追奔衛辰部落駭亂珪遂直抵其所

居悅跋城

卽代來城在今鄂爾多斯左翼界

衛辰父子出走分遣輕

騎追之獲直力鞬衛辰爲其下所殺珪誅其宗黨五

千人河南諸部悉降獲馬三十餘萬匹牛羊四百餘

萬頭國用由是遂饒衛辰少子勃勃

卽赫連勃勃字屈子

亡奔

薛干部

鮮卑別部

薛干部送于沒奕干

河西鮮卑後秦封高平公

沒奕

干以女妻之

壬辰十七年夏五月丁卯朔日食

燕主垂擊翟釗

遼之子

釗奔西燕

先是翟遼死子釗代領其衆至是燕主垂擊釗垂軍至黎陽臨河欲濟釗列兵南岸以拒之垂徙營就西津去黎陽西四十里為牛皮船百餘艘偽列兵仗沂流而上釗急引兵趨之垂潛遣慕容鎮等自黎陽津夜濟營于河南比明營成釗急還攻垂命堅壁勿戰

劉兵往來疲竭攻營不拔將引去鎮等出戰慕容農
自西津濟夾擊大破之盡獲其衆及所統七郡三萬
餘戶劉奔長子歲餘謀反永殺之

冬十一月以殷仲堪都督荆益寧州軍事

仲堪雖有時譽資望猶淺到官好行小惠綱目不舉
南郡公桓元負其才地以雄豪自處朝廷疑而不用

年二十三始拜洗馬

嘗詣琅邪王道子值其酣醉張目謂衆客曰桓溫晚塗欲作賊

云何元伏地流汗不能起由是不自安而切齒于道子

後出補義興太守鬱鬱

桓元然望章官
弁尾國寔乃驍
其細細借亂高
目誰何東晉紀
綱可謂慘也矣

不得志歎曰父為九州伯兒為五湖長遂棄官歸國

上疏自訟不報

桓氏之世臨荊州元復棄橫士民畏之當于仲堪聽事前戲馬以消愾仲

堪參軍劉邁曰馬稍有餘精理不足元不悅既出仲

邁謂邁曰卿狂人也元夜遣殺卿我豈能相救邪使

邁避之元果使人追之不征虜參軍胡藩字道序過

江陵見仲堪曰元志趣不常節下崇待太過非計也

藩內第羅金生字宗伯為仲堪功曹藩謂曰殷侯倒

戈授人必及于禍君不早去悔無及矣

立子德文為琅邪王徙道子為會稽王

御批歷代通鑑輯覽

三

李遼表請修孔子廟不報

清河人李遼上表請勅兗州修孔子廟給戶灑掃仍立庠序以教學者曰事有如賒而實急者此之謂也
疏奏不省

癸巳十八年冬十月燕主垂擊西燕

燕主垂議伐西燕諸將皆曰未可范陽王德曰永國之枝葉偕舉位號宜先除之以壹民心垂曰司徒意與吾同吾雖老叩囊底智足以取之終不留此賊以

遺子孫也遂發中山次于鄴

十二月後秦主苻卒太子興

字子畧

帥兵擊秦

先是秦主登聞後秦主苻病大喜秣馬厲兵進逼安定苻疾小瘳出兵拒之登懼而還苻夜引兵躡其後旦而候騎告登曰賊營已空不知所向登驚曰彼為何人去來不令我覺謂其將死忽然復至朕與此苻同世何其厄哉登遂還雍苻亦還安定已而登丞相竇衝叛登討之衝求救于苻苻使太子興將兵攻胡

空堡登解衝圍以赴之興因襲平涼大獲而還至是
萇疾甚還長安召太尉姚弋僕射尹緯受遺詔輔政
謂太子興曰有毀此諸公者慎勿受之汝撫骨肉以
恩接大臣以禮待物以信遇民以仁四者不失吾無
憂矣萇卒興秘不發喪自稱大將軍率衆伐秦

明年登聞

萇死喜曰姚興小兒吾折杖笞之耳乃悉衆而東興
使尹緯與戰大敗之具衆夜潰登單騎奔平涼收遺
衆入馬毛山于是興始發喪即帝位

馬

毛山在平涼府固原州西南亦曰馬髦嶺

甲十九年

秦主苻崇延初元年後秦主姚興皇初元年是歲秦及西燕亡大國三燕後秦魏小國二

後涼西秦
凡五借國
春正月三河王光以禿髮烏孤樹機能從弟務九之元孫

能見前
樹機能
為河西都統

烏孤雄勇有大志其父思復捷卒烏孤嗣立與大將
紛陀謀取涼州紛陀曰公必欲得涼州宜先務農講
武禮賢修政然後可也烏孤從之呂光遣使拜烏孤
鮮卑大都統羣下皆曰吾士馬衆多何為屬人石真
若留曰吾根本未固大小非敵不如受以驕之俟釁
而動烏孤乃受之胡三省曰此言烏孤所以興

夏六月追尊會稽太妃鄭氏曰簡文宣太后

羣臣或問宣太后應配食元帝太子前率徐邈曰太

后平日不伉儷于先帝子孫豈可為祖考立配國學

助教

簡文
帝置臧燾

字德仁東莞
莒人

曰尊號既正則罔極之情

申別建寢廟則嚴禰之義顯繫子為稱兼明貴之所

由一舉而合三義不亦善乎乃立廟于太廟路西

秋七月後秦主興擊秦主登殺之秦太子崇立奔湟中

後秦主興自安定如涇陽與秦主登戰于山南

馬毛
山之

南
執登殺之悉散其衆使歸農業登太子崇奔湟中
稱帝改元

八月尊太妃李氏為皇太后

居崇訓宮

燕主垂圍長子拔之殺西燕主永

燕主垂部分諸將出壺關

注見前

滏口

在河南彰德府臨漳縣西元和

志滏水出滏陽縣鼓山泉源奮湧如釜揚湯故以滏口名之

沙庭

在直隸大名府元城縣東南春

秋定公七年齊侯衛侯盟于沙即此庭當作亭

以擊西燕標榜所趣軍各就

頓西燕主永聞之分道拒守聚糧臺壁

在山西潞安府黎城縣西

南水經注潞縣北對故壁臺
本潞子所立世謂之臺壁

遣兵戍之既而垂頓軍

不進水疑垂欲詭道由太行入乃悉歛諸軍杜太行

口惟留臺壁一軍于是垂引大軍出滏口入天井關

注見前

至臺壁破之永台太行軍還自將拒之垂陳于

臺壁南遣千騎伏澗下及戰偽退永衆追之澗中伏

發斷其後諸軍四面俱進大破之永走歸長子垂進

圍之永困急求救于晉魏兵皆未至將士開門納燕

兵垂執永斬之得所統八郡七萬餘戶

西燕自慕容泓改元至永

亡凡六主
台十一年

冬秦主崇及隴西王楊定攻西秦兵敗皆死定弟盛遣

使來稱藩

西秦王乾歸攻秦主崇崇奔隴西王陽定

定楊毅從孫也先為

秦將軍與西燕戰兵敗被執已而亡奔隴右收集舊衆徙治歷城自稱仇池公稱藩于晉後又取水畧陽之地自

稱隴西王

定帥衆三萬與崇共攻乾歸大敗見殺苻

氏遂亡

前秦自苻健僭立至崇亡凡六主合四十四年

乾歸于是盡有隴西

之地自稱秦王定叔父之子盛先守仇池至是乃自

稱秦州刺史仇池公遣使稱藩于建康分氏羌為二
十部護軍各為鎮戍不置郡縣

二十二年春三月庚辰朔日食

以丹陽尹王雅領太子少傅

時會稽王道子專權奢縱趙牙本倡優茹千秋本捕

賊吏也皆以諂賂得進

牙為道子開東第築山穿池功用鉅萬帝常幸其地謂道

子曰府內乃有山甚善然修飾太過道子無以對帝去道子謂牙曰上若知山是人力所為爾必死矣牙

曰公在牙何敢死營作彌盛千秋賣官招權聚貨累億

帝益怒道子而逼于太

后不忍廢黜乃擢王恭殷仲堪王珣王雅等居内外

要任以防之道子亦引王國寶王緒

國寶從弟

為心腹由

是朋黨競起無復鄉時友愛之驩太后每和解之

秋七月長星見

漢書注文穎曰彗長三星形象小異彗星光芒四出彗星光芒如掃彗長星

光芒直指或竟天或十丈二三丈無常也

有長星見自須女至于哭星

晉書天文志須女四星天少府虛二星主哭泣

帝心惡之于華林園舉杯祝之曰長星勸汝一杯酒

自古何有萬歲天子邪

燕遣其太子寶擊魏魏王珪敗之于參合陂

初魏王珪遣其弟觚

珪叔父觚之子

入貢于燕燕主垂衰老

諸子用事留觚以求良馬珪弗與遂叛燕侵逼附塞

諸郡燕主垂遣太子寶帥衆八萬自五原伐魏

散騎常侍

高湖諫曰魏與燕世為婚姻結好久矣間以求馬不獲而留其弟曲在于我奈何遽擊之珪沈勇有謀幼歷艱難兵精馬彊未可輕也太子年少氣壯必小魏而易之萬一不如所欲傷威損重願陛下圖之垂恕免湖官 高湖字大淵渤海蓆人 魏張袞言于珪曰燕狃于滑臺長

子之援有輕我心宜羸形以驕之乃可克也珪從之

悉徙部落畜產西渡河千餘里以避之燕軍至五原
降魏別部三萬餘家進軍臨河欲濟魏王珪將兵拒
之先是寶之發中山也燕主垂已有疾既至五原珪
使人邀中山之路伺其使者盡執之寶等數月不聞
垂起居珪使所執使者臨河告之曰若父已死何不
早歸寶等憂恐士卒駭動乃夜遁珪選精銳二萬餘
騎追擊大敗之于參合陂

時河水未結寶以魏軍必不能渡不設斥候俄而暴

風水合珪引兵濟河晨夜兼行至參合陂西燕軍在陂東山南水上珪夜部分諸部令士卒銜枚束馬口

潛進旦日登山下臨燕營燕軍大驚擾亂珪縱兵擊之死者萬數復禽四五萬人寶萐單騎僅免燕

司徒德言于垂曰虜以其捷有輕太子心宜及陛下神畧以服之不然將為後患垂乃會兵中山期以明年大舉擊魏

丙二十一年

燕主慕容寶永康元年魏皇始元年涼龍飛元年

春閏三月燕主

垂襲魏平城克之夏四月還卒于上谷太子寶立

燕主垂留范陽王德守中山引兵密發踰青嶺

胡三省注

即廣昌嶺所謂五迴道也五迴山在今易州廣昌縣亦曰廣昌嶺

經天門

胡三省注廣昌之南

層崖刺天積石壁
立蓋即天門也

鑿山通道出魏不意直指雲中魏

陳留公虔

什翼
犍子

鎮平城垂襲之虔出戰敗死燕軍盡

收其部落魏王珪震怖欲走諸部皆有二心會垂疾

篤還

垂之過參合陂也兄積骸如山為之設祭軍士
勵哭聲震山谷垂慚忿嘔血由是疾轉篤乃薨

燕昌城而還燕昌城
在大同府大同縣北

卒于上谷寶即位

燕主寶弒其太后段氏

寶初為太子有美稱已而荒急中外失望段后嘗言
于燕主垂以太子非濟世之才宜擇一人付以大業

趙王麟姦詐彊復必為國患宜早圖之垂不從及是
寶即位使麟逼段后自裁段氏曰汝兄弟不難逼殺
其母況能守先業乎吾豈愛死但念國亡不久耳遂
自殺

六月三河王光自稱涼天王

光即天王位國號大涼置百官遣使拜秃髮烏孤益
州牧烏孤謂使者曰呂王諸子貪淫三甥暴虐遠近
愁苦吾安可違百姓之心受不義之爵乎留其鼓吹

羽儀謝遣之

秋八月魏王珪擊燕九月燕慕容農及魏師戰敗走魏
遂取并州

魏羣臣勸魏王珪稱尊號珪始建天子旌旗出入警

蹕參軍張恂

字洪讓
蔡之子

勸珪進取中原珪善之乃大舉

伐燕步騎四十餘萬南出馬邑踰勾注

注俱
見前

旌旗亘

千餘里鼓行而進遣別將從東道襲幽州九月珪軍

至晉陽慕容農出戰大敗奔還司馬慕容興嵩閉門拒

之農遂東走魏追獲其妻子燕軍盡沒農獨與三騎

逃歸中山魏遂取并州

初建臺省置刺史太守尚書郎以下官悉用儒生為之士

大夫詣軍門者皆引入存慰使人人盡言稍有才用咸加擢叙以張恂等為諸郡守招撫離散勸課農桑

貴人張氏弑帝于清暑殿太子德宗即位會稽王道子

進位太傅冬十月葬隆平陵

在江寧府上元縣

帝嗜酒流連內殿外人罕得進見張貴人寵冠後宮

時年近三十帝戲之曰汝以年亦當廢矣吾意更屬

少者已而醉寢清暑殿貴人使婢以被蒙帝面而弑

德宗幼而不慧
至不辨饑飽寒
暑豈尚可授以
主恩曾惠取鑒
不遠故仕於立
長立嫡而昧於
為天下得人者
直庸主耳其罪
與已身失天下
同

之重賄左右曰因魔暴崩時太子闇弱會稽王道子

昏荒遂不復推問王國寶夜叩禁門欲為遺詔侍中

王爽恭之弟拒之曰大行晏駕皇太子未至敢入者斬

國寶乃止太子即位道子進位太傅揚州牧假黃鉞

太子幼而不慧口不能言至于寒暑饑飽亦不能辨
飲食寢興皆非已出母弟琅邪王德文嘗侍左右為

之節適初國寶黨附道子驕縱不法武帝惡之國寶懼

遂更媚于帝而疎道子及帝崩國寶復事道子與王

緒共為邪諂道子又倚為心腹遂參管朝權威震內

外王恭入赴山陵每正色直言道子憚之深布腹心而恭每及時政輒厲聲色道子遂欲圖之

或勸恭誅國寶王珣

曰彼罪逆未彰今先事而發必失朝野之望恭乃止既而謂珣曰比來視君一似胡廣珣曰王陵廷爭陳平慎默但問歲晏何如耳山陵既畢恭將還鎮謂道子曰主上諒

闇冢宰之任伊周所難惟大王親萬機納直言放鄭聲遠佞人國寶等愈懼

魏王珪拔常山

魏王珪使冠軍將軍于栗磾

魏書官氏志詰汾時諸部內入者有勿恤於氏

後改于氏栗碑代人潛自晉陽開韓信故道信自井陘自井陘

趣中山進攻常山拔之郡縣皆降唯中山鄴信都三

城為燕守珪將進攻中山既而謂諸將曰中山城固

急攻則傷士久圍則費糧不如先取信都然後圖之

乃引兵而南高陽太守崔宏字元伯東武城人奔海渚胡三省注

海中洲也珪素聞其名遣吏追獲以為黃門侍郎與張袞

對掌機要創立法度博陵令屈遵字子度昌黎徒河人降以為

中書令出納號令時魏東平公儀攻鄴燕范陽王德擊破之魏軍兼總文誥

退也新城已而儀司馬丁建陰
與燕通引燕兵擊儀儀軍遂潰

安皇帝

丁隆安元年

南涼王禿髮烏孤太初元年北涼王段業神璽元年舊大國三燕秦魏小國二涼西

秦新小國二南涼北涼凡七僭國

春正月魏王珪擊信都降之

禿髮烏孤自稱西平王攻涼取京城

是為南涼

先是烏孤擊乙弗折掘部

二部皆在禿髮氏之西

降之徙都廉

川

故城在今西寧府碾伯縣

廣武

注見前

趙振少好奇畧棄家從烏

孤烏孤喜曰吾得趙生大事濟矣拜左司馬至是烏

孤稱王改元治兵廣武攻涼金城克之

已而烏孤取嶺南五部更

稱武威王徙治樂都

嶺南洪池嶺南也洪

池嶺注見前樂都涼郡今西寧府碾伯縣是

二月燕主寶襲魏軍大敗奔還

魏王珪自信都還燕主寶悉發其衆以邀之營于滹

沱水北魏軍至營水南寶潛師夜濟襲魏營因風縱

火魏軍大亂珪棄營走既而燕兵無故自相斫射珪

望見之乃擊鼓收衆多布火炬于營外縱兵衝之燕

兵大敗引還魏兵隨而擊之燕兵屢敗寶懼棄軍以

二萬騎奔還時大風雪凍死者相枕藉尚書郎慕輿
皓謀弑寶立趙王麟不克奔魏麟由是不安

三月燕幽平牧慕容會寶之庶子引兵至薊慕容麟作亂出

走魏王珪進圍中山燕主寶奔會軍慕容詳城守拒魏
初燕清河王會聞魏兵東下表求赴難而無行意會雄

俊有器藝燕主垂愛之遣鎮龍城遺言命寶以
為嗣寶愛少子策立之會因是慍慍有異志燕主

寶怒切責之會不得已乃上道徐進至是始達薊城
魏圍中山既久城中將士皆思出戰高陽王隆為寶

屢言之趙王麟每沮其議隆成列而罷者數四衆大
忿恨麟以兵劫北地王精使率禁兵弑寶精以義拒
之麟怒殺精出奔西山依丁零餘衆于是城中震駭
寶恐麟奪會軍乃召隆及遼西王農謀走保龍城夜
與太子策及隆農等萬餘騎出赴會軍城中無主百
姓惶惑開封公詳從寶不及城中立以為主閉門拒
守珪盡衆攻之不拔寶出中山會帥騎卒二萬迎于
薊南寶怪會有恨色分其兵給
農隆北趣龍城魏兵追之會整陳與戰農隆等復以
騎衝之魏兵大敗追奔百餘里會既敗魏兵矜狼滋

甚遂謀作亂襲隆殺之農被重創亡走寶欲討會陽
為好言以安之因召羣臣食會就坐寶目慕輿騰斬
會傷者不死走赴其軍勒兵攻寶寶馳至龍城會引
兵頓城下城中將士皆憤怒出破會軍侍御郎高雲
復夜襲之會衆潰奔中山慕容詳殺之寶以雲為
將軍養以為子高雲字子雨高句驪之支屬

尊皇太后李氏為太皇太后立皇后王氏

夏四月王恭舉兵反詔誅僕射王國寶將軍王緒恭罷
兵還鎮

王國寶王緒依附會稽王道子惡王恭殷仲堪勸道
子裁損具兵權恭遣使與仲堪謀討國寶等桓元亦

以仕不得志欲假仲堪兵勢以作亂乃說仲堪曰國
寶與君惟患相斃之不速今既執大權無不如志若
發詔徵君何以處之仲堪曰計將安出元曰孝伯疾
惡深至宜潛與之約興晉陽之甲以除君側之惡元
雖不肖願帥荆楚豪傑荷戈先驅此桓文之勲也仲

堪疑未決

于是外結雍州刺史郝恢內與從兄南蠻校尉覲南郡相江績謀之覲曰人臣當守

職分朝廷是非豈藩屏所制也晉陽之事不敢預聞績亦極言其不可覲恐績及禍和解之績曰大丈夫何至以死相脅邪江仲元行年六十但求獲死所耳仲堪憚其堅正以楊佺期代之朝廷聞之徵績為御

史中丞覲遂以疾辭位仲堪往省之曰兄病殊可愛
曰我疾不過身死汝病乃當減門宜深自愛勿以我
為念郁恢亦不肯從郁恢字道胤曇之
子殷覲字伯通江績字仲元陳留圉人
會恭使至

仲堪乃許之恭大喜上表罪狀國寶舉兵討之表至
內外戒嚴國寶懼不知所為問計于王珣珣曰王殷
與卿素無深怨所競不過勢利之間耳國寶曰將曹
爽我乎珣曰是何言歟卿寧有爽之罪孝伯豈宣帝
之儔邪又問計于車胤胤曰今朝廷遣軍恭必城守
若京口未拔上流奄至何以待之國寶遂上疏解職

待罪道子閭懦欲求姑息乃賜國寶死斬緒于市遣使謝恭恭乃罷兵還京口仲堪初猶豫不敢下聞國寶死始抗表舉兵道子以書止之仲堪乃還

以會稽世子元顯為征虜將軍

元顯年十六有儁材為侍中說會稽王道子以王殷終必為患請潛為之備道子乃拜元顯征虜將軍以其衛府及徐州文武悉配之

涼沮渠蒙遜

張掖盧水胡人匈奴渠王之後以官為氏

叛推段業

京兆人為

建康

前涼所置郡故城在今肅州高臺縣

公以衆歸之

是為北涼

蒙遜之先世為部帥其諸父羅讐麴粥皆臣于涼涼

王光殺之蒙遜因叛涼起兵攻臨松郡

前涼置故城在今甘州府

張掖縣

拔之屯據金山

在甘州府山丹縣西南

蒙遜從兄男成聞

蒙遜起亦合衆攻建康會蒙遜為光子纂

字永緒

所破

男成遣使說建康太守段業推為涼州牧建康公

元改

神璽蒙遜帥衆歸之業以男成為輔國將軍蒙遜為鎮

西將軍光命纂攻之不克

業自稱涼王以蒙遜為尚書左丞

秋九月秦太后蚘氏卒

自此後秦止稱秦

秦太后卒秦主興哀毀過禮不親庶政羣臣請依漢魏故事既葬即吉尚書郎李嵩上疏曰孝治天下先王之高事也宜遵聖性以光道訓既葬之後素服臨朝尹緯駁曰嵩矯常越禮請付有司論罪興曰嵩忠

臣孝子有何罪乎其如嵩議

興勤于政事延納善言杜瑾等以論事得顯拔

姜龕等以儒學見尊禮古成詵等以文章參機密詵剛介雅正以風教為己任京兆韋高慕阮藉為人居母喪彈琴飲酒詵聞之而泣持劍欲殺之高懼而逃匿姜龕天水人古成複姓詵名也

冬十月魏王珪克中山

先是燕開封公詳稱帝于中山

中山城無定主民恐魏兵乘之男女結盟

人自為戰魏王珪罷圍就穀河間詳自謂能卻魏兵威德已振遂即帝位已而趙王麟襲

殺詳而自立

詳嗜酒奢淫刑殺無度羣下離心至是城中饑窘麟襲殺之自立以拒魏

中山饑甚魏王珪進攻之太史令鼂崇

字子業遼東襄平人曰

不吉紂以甲子亡謂之疾日珪曰紂以甲子亡周武

不以甲子興乎遂進與麟戰于義臺

即古野臺在正定府新樂縣西

南括地志野臺一名義臺

大破之麟奔鄴魏克中山得燕璽綬圖

周武以甲子興一語足破陰陽家禁忌之惑進戰克捷乃乘其銳氣而用之稍存猶豫鮮有不坐失事機者

書府庫珍寶以萬數班賞將士

戊二年

燕主慕容盛建平元年魏天興元年南燕主慕容德元年舊大國三燕秦魏小國四西秦涼南

涼北涼新小國一南燕凡八僭國

春正月燕慕容德徙居滑臺稱燕王

是為南燕

慕容麟奔鄴復稱趙王說范陽王德南趣滑臺阻河

以待魏時魯王和

德之弟

鎮滑臺亦遣使迎德德許之

自鄴帥戶四萬南徙滑臺

魏衛王儀

儀入鄴追德至河

為衛

慕容麟上尊號于德德用兄垂故事稱燕王以

統府行帝制置百官麟復謀反德殺之

魏王珪北還徙山東民夷十餘萬口以實代

二月以王愉

字茂和
坦之子

都督江豫州軍事

會稽王道子忌王殷之逼以譙王尚之

字伯道承
之曾孫

及

弟休之

字季
預

有才畧引為腹心尚之曰今方鎮疆域

宰輔權輕宜樹腹心于外以自衛道子乃以其司馬

王愉為江州刺史都督江州及豫之四郡軍事日夜

謀議以伺四方之隙

魏封爾朱羽健

其先契胡部落大人
居爾朱川因以為氏

于秀容川

胡三省
注此北

秀容地

近平城

秀容川酋長爾朱羽健從魏王珪攻晉陽中山有功
環其所居割地三百里以封之

燕衛卒段速骨作亂三月攻陷龍城燕主寶出奔尚書

蘭汗誘而殺之秋七月長樂王盛討殺蘭汗攝行統制

初燕人有自中山至龍城者言魏王珪衰弱于是燕

主寶欲取中原調兵悉集已而聞中山已陷乃命罷

兵遼西王農請因成師襲庫莫奚

東部鮮卑之別種

寶從之

遂北行會南燕王德遣使來告珪已西還中國空虛

寶大喜即日引還詔諸軍就頓不聽罷散乃留長樂

王盛統後事自引兵而南長上

衛兵之不番代者

段速骨等

因衆心之憚征役逼立高陽王隆之子崇為主寶將

十餘騎奔還龍城速骨攻之尚書蘭汗陰與通謀城

遂陷寶及盛輕騎南走速骨以高陽王崇幼弱欲更

立農崇黨聞之遂殺農蘭汗又襲殺速骨廢崇奉太

子策承制遣使迎寶盛以汗不可信勸寶南就范陽
王德先遣使告德奉迎德遣慕輿護帥壯士數百人
而北聲言迎衛其實圖之寶聞德已稱制亦懼而北
走遣盛收兵冀州會蘭汗復遣使奉迎寶以汗乃父
垂之舅又盛妃之父謂必無他遂行盛流涕固諫不
聽乃逃匿垂去龍城四十里汗遣弟加難帥五百騎
迎入外邸而弑之并殺太子策汗自稱昌黎王盛欲
赴哀從者止之盛曰我今以窮歸汗汗性愚淺必念

婚姻不忍殺我旬月之間足以展吾志遂往見汗汗果哀之乃舍之于宮中親待如舊汗兄提騎狼荒淫事汗無禮盛因而間之汗兄弟漸生嫌忌久之其黨

自相攻擊盛乃乘間殺汗

龍城自夏不雨至于七月汗日詣燕諸廟禱請委罪

加難加難怒叛汗汗遣太子提擊破之還襲將士汗躍爭先攻汗斬之告于太廟下令大赦改元以長樂王攝行

統制

魏遷都平城

魏遷都平城始營宮室建宗廟立社稷宗廟歲五祭

用分至及臘

魏王珪命有司正封畿標道里平權衡審度量遣使循行郡國察守宰不法者

親考察

黜陟之

王恭殷仲堪及南郡公桓元反元陷江州

桓元求為廣州會稽王道子忌元在荊州因從之元

受命而不行豫州刺史庾楷

亮之孫

以道子割其四郡

屬王愉上疏言江州內地而西府

晉以京口為北府
愔陽為西府豫州

治愔陽
楷故云

北帶冠戎不應使愉分督朝廷不許楷怒遣

其子鴻說王恭曰尚之兄弟復秉機權欲削方鎮宜早圖之恭以為然以告殷仲堪及元皆許之推恭為

盟主刻期同趣京師

恭司馬劉牢之諫曰會稽王道子天子叔父也而又當國秉政

卿為將軍割其所愛其伏將軍已多矣頃所受任雖未允愜亦無大失割庾楷四郡以配王愉于將軍何損晉陽之甲豈可數興乎恭不從上表請討王愉司馬尚之兄弟朝

廷憂懼內外戒嚴道子不知所為悉以事委世子元

顯日飲醇酒而已

元顯聰警頗涉文義志氣果銳以安危為已任附之者謂其英武有

明帝仲堪聞恭舉兵勒兵趣發悉以軍事委南郡相之風

楊佺期兄弟佺期帥舟師五千為前鋒桓元次之仲
堪帥精兵二萬繼下八月佺期及元奄至湓口王愉

無備惶遽奔臨川

吳郡治臨汝今江西撫州府臨川縣是

元追獲之

九月加會稽王道子黃鉞討王恭恭司馬劉牢之執恭
以降斬之以牢之都督青兗七州軍事桓元為江州刺
史楊佺期為雍州刺史敕殷仲堪使回軍

九月加會稽王道子黃鉞以世子元顯為征討都督
遣王恂將兵討王恭譙王尚之將兵討庾楷尚之大

破楷于牛渚楷奔桓元元大破官軍于白石

山名在今廬州

府無為州西水經注柵口水邊巢湖又東合白石山水即此

進至橫江尚之退走

道子屯中堂元顯守石頭珣守北郊以備之恭素以才地傲物既殺王國寶自謂威無不行仗劉牢之為爪牙而以部曲將遇之牢之負才懷恨元顯知之遣

人說牢之使叛恭事成授以恭位號

牢之謂其子敬宣曰恭為帝舅

不能翼戴帝室數舉兵向京師吾欲討之何如敬宣曰朝廷雖無成康之美亦無幽厲之惡而恭恃其兵威暴蔑王室大人與恭親非骨肉義非君臣今日討之于情義何有參軍何澹之知其謀以告恭恭不信

恭初以疾惡職
賜朝廷已如奪
蹟田之牛身陷
不義至國寶等
既誅自謂賊無
不行動輒舉兵
向闕小人無忌
憚孰甚於此而
以欲忠社稷自
解其誰欺百世
之下知有王恭
亦所謂遺臭萬
年耳

更置酒拜牢之為兄
恭使牢之帥帳下督顏延為前

鋒牢之至竹里

山名在江寧府句容縣北元和志山甚傾險行者號翻車峴

斬延

以降遣敬宣還襲恭恭兵潰亡走為人所獲送京師

斬之

恭臨刑神色自若謂監刑者曰我聞于信人所

世之下知詔以牢之代恭為都督刺史鎮京口俄而

楊佺期桓元至石頭殷仲堪至蕪湖上表理王恭求

誅牢之牢之帥北府之衆馳赴京師軍于新亭佺期

元見之皆失色回軍蔡洲

在江寧縣西大江中

朝廷未知西軍

虛實內外憂逼桓修

字承祖冲之子

言于道子曰今若以重

利啗元及佮期二人必內喜元能制仲堪佮期可使

倒戈取仲堪矣道子納之以元為江州刺史佮期為

雍州刺史黜仲堪為廣州刺史遣使宣詔敕使回軍

王恭以討國寶為名即殺國寶劉牢之殺恭即

令代恭欲元等

取仲堪即殺之

江雍欲仲堪罷

兵即還以荆益

晉政不綱至此

極矣前此王敦

蘇峻桓溫等雖

仲堪得詔書大怒趣元佮期進軍元等喜于朝命欲受之仲堪遽自蕪湖南歸且諭散蔡洲軍上元等大懼追仲堪及之尋陽乃以子弟交貨而盟連名上疏申理王恭求誅劉牢之及譙王尚之並訴仲堪無罪朝廷深憚之復以荊州還仲堪仲堪等受詔推元為盟主各還所鎮

冬十月燕長樂王盛稱皇帝

奸雄久蓄異志
尚不能闡干至
是桓元以一狂
妄少年不勞而
竊神器可見國
是益非則逆謀
益易逞理勢必
然足為千古炯
戒

盛稱帝未幾復自貶號稱庶人天王

十二月魏王珪稱皇帝

魏王珪命吏部郎鄧淵

字彥海
安定人

立官制協音律儀曹

郎董謐

清河人

制禮儀三公郎王德定律令太史令鼂

崇考天象尚書崔宏總而裁之以為永式十二月珪

即皇帝位命朝野皆束髮加帽追尊遠祖毛以下二

十七人皆為皇帝倣古制定郊廟祭享禮樂又用崔

宏議自謂黃帝之後以土德王徙六州二十二郡守

宰豪傑二千家于代都東至代郡

胡三省注此依漢郡而言漢代郡治

桑乾故城在今宣化府蔚州

西及善無

漢縣後魏為郡故城在今山西朔平府右玉縣南

極陰館

注見前

北盡參合

漢縣晉廢魏復置故城在今朔平府左雲縣

皆為

畿內其外四方四維置八部帥以監之

妖人孫泰

琅邪人

謀亂伏誅

初泰學妖術于杜子恭

錢塘人

士民多奉之王珣惡之

流泰于廣州王雅薦于孝武帝云知養性之方召還

累官至新安太守泰知晉祚將終以討王恭為名收

兵聚貨謀作亂會稽內史謝輜發其謀會稽王道子
誘而斬之并其六子兄子恩逃入海愚民猶以為泰
蟬蛻不死就海中資給之恩乃聚合亡命得百餘人
以謀復仇

御批歷代通鑑輯覽卷三十四